


^ 16
2800
2





18
2800
2



夏節愍全集卷七

青浦王述庵先生鑒定

婁縣莊師洛菴川輯

受業 陳均秉衡 何其偉 韋人編

五言絕句

插柳

千條拂翠微 雨後碧新肥 卻憶靈和殿 楊花滿地飛

七言絕句

別子韶顧大妹倩 自注家妹早歿 案節愍赴 難時子韶與王勝時 雲送之

鳳去秦樓信杳然 返魂香盡斷腸天 茫茫兩淚難為別

竹馬交情十五年

夏節愍全集 卷七 五言絕 七言絕 一

昭和十九年
九月六日
購

夏官長全集 卷一
漱廣有外舍雲英者亂後嫁人感傷不置代爲

賦之

綺羅如土錦如塵重見雲英掌上身儂未成名歡已嫁
揚州一夢爲誰人

送教坊樂官出塞

自憐天樂未曾聞送別黃沙始見君愁到年年青冢月
夢歸夜夜白門雲

詠史雜成口號十首

亾楚奇功一旦收蘆中人去水悠悠昭關烟草荒茫外
千古何人解報仇

黃金臺下雨茫茫

一作蒼蒼

雲夢悲風滿大荒憑弔興亾千

古事風流燕楚二昭王

英雄草澤氣成雲烈士遺風恥二君堪笑士衡歸洛後
何顏更作辯亾文

遺恨殷郊太白旗黃虞千載更無依當時尚有頑民在
何事西山獨采薇

羽扇綸巾油壁軒隆中三策爲誰喧英雄寂寞歸黃土
千載西風五丈原

江左衣冠六代愁門庭花草色千秋可憐卞氏推三烈
當是烏衣第一流

草澤遊魂性不馴英雄短氣未亾秦素書三卷尋常事
誰是當年授履人

如花歌舞入長門腸斷君王雨露恩自請和戎青海月
琵琶一曲向誰論

束髮從王志未賒寶刀風雨拂霜花黃雲白水真人氣
年少功名鄧仲華

蓼莪三廢有遺音嵇紹彈冠血滿襟叔夜家風空掃地
廣陵絕曲倍傷心

送客金陵四首

山光無限水悠悠古苑花明月滿樓送君馬上休回首

玉笛三聲一葉秋一作舟

此去離亭半夕陽烏啼舊闕夜荒一作蒼茫茫江水無

情極明月秦淮水一方

夜月啼鴉白下城回看雙闕淚沾纓紫苔最是多情物

偏向金鋪雨後生

紫駟遊獵孝園歸猶有一作是罷熊鎖翠微一片鍾山陵

上月天風吹下一作上舊臣衣

樓雨暮懷

落月空山哭子規輕烟漠漠柳低垂登樓無限傷心事
暮雨盈盈欲待誰

東友

會攜寶劔叩夷門朱邸蕭條席尚温今日三千珠履客
誰人知報信陵恩

樓頭口號得門字二首

樓頭花草正黃昏猶有殘霞過雨痕無限倚闌愁客淚
隔牆斜月聽雍門

江南日暮慘離魂四海交情酒後論露下天高腸欲斷
秋來客散孟嘗門

錢漱廣為余內兄弟丰姿一作神玉立神一作姿采

駿揚綱紀翼修百行具備天假以年且有為

以死哲人云亾邦國殄瘁哀哉得絕句十八
首短歌之悲過於長號非有情者不足以語
此

嵇阮一作慊當年二一作舊酒徒河山邈隔恨黃墟自從兩

哭錢侯後天地傷心一劔孤自注侯為家姊倩文中

九年地下文中子人世風流祇屬君今日傷心惟我在
夜臺何日其論文

驚聞哀訃淚潺湲白玉樓成跨紫鸞二十七年回首處
闔風烟霧逼人寒

三春湖海興如烟十載交情竟惘然重到西江秋似水

芙蓉墜粉更誰憐

回首長歌更短吟三春倡和共沾襟看君壁上龍鳴劍

依舊霜花夜夜深

遙憶音容淚滿巾到今天地轉風塵雞鳴寒夜愁難曉
不見當時起舞人

當年結客少年場夜夜吳姬錦瑟旁腸斷幾回聞誤曲
不知何地覓周郎

可憐沒後久銷形猶是生前未盡情夢裏對愁知己沒
醒來回想忽如生

曲江紅樹有微霜七尺桐棺弔北邙杯酒臨風惟慟哭

黃花白草月

一作夜 茫茫

銀缸靜夜憶殷勤汝已吹簫弄白雲十二玉闌愁倚徧
月來移影忽疑君

秋水娟娟影若虛風流衛玠更何如可憐玉樹歸黃土
敢學當年謝幼輿

倚樓人影落江潭卻憶西園酒半酣公子風流今不見
秋來衰柳獨氍毹

江風暮雨入南樓玉笛吹

一作秋

翻旅客愁昨夜夢君驚

坐起一聲孤雁水悠悠

九曲秋江靜不波美人長往恨如何當年意氣歸烟霧

夏節終全集 卷一
五
地下文章泣一作綺羅

一夜西風闔闔開招魂秋草不勝哀九原道諒何人在
千古文章未盡才

枕上相逢還說夢樽前如見不聞聲傷心驚起無人問
獨倚寒窗月自明

玉山頽謝碧雲空落葉無情下曉風思曼風神銷歇盡
僅留一哭待張融

落月殘霞剩錦衣淒涼玉軫斷金徽與君齊跨瑤池鶴
同到人間獨自歸

絕句口號八首

余竄身荆棘滿目風塵哀厲之辭殊乖風始
聊以紀一時流離之苦耳作者勿以風雅觀
勞人草草於斯見之矣

去年人送短長亭一片烟波入洞庭江海無情人不見
芳洲春草爲誰青

毅魄歸來風雨多瀟湘春盡晚生波可憐屈宋師門諒
空自一作有招魂弔汨羅

朱門華屋已成塵黃土荒邱未卜鄰天下文章俱寂寞
平陵一調一作曲屬何人

昨夜驚魂渡五湖愁中飛夢到姑蘇丹陽道上南冠客

夏節念全集 卷一
重到新亭灑淚無

江上花飛隱釣船羊裘百結竟誰憐一人亾命無張儉

三戶虛聲有項燕

春星滿院百花明和淚成書問遠行欲寄東風無羽翼

愁隨明月度江城

愁來江上柳條青漁父狂歌忌獨醒高臥夢回青瑣闥

相思人在白樓亭

無衣客子半天涯何處相逢拂劍花三月故鄉消息斷

更呼鸚鵡報誰家

家園早梅盛放時寄跡武塘賦以一作懷之

逢花卻憶故園梅雪掩寒山徑不開明月愁心兩相似

一枝素影侍人來

宴送盛伯含之金陵自注盛工丹青續圖繪

善山水其筆墨得法於黃子久巖隈林麓頗及深遠柯枝點葉亦極老幹差覺欠舒暢耳

十載傷心老畫師孤帆歸去淚如絲舊京無限靈和一作

臨河柳折盡東風第一枝

方穀城遺孤流落郡中詩以致之松江府志方岳貢字四長

穀城人天啟二年進士授戶部主事遷郎中崇禎元年出為松江知府郡之東南濱於大

海岳貢築石塘二十里許捍禦海患又築倉城於郡西區畫盡善好獎拔單寒汲引無倦

積久不調士民安之會大學士薛國觀敗詞連岳貢逮訊百姓叩闕申救事得白幾卽大

用權要者尼之僅擢漕儲副使權要得罪遂
超拜右副都御史俄晉兼東閣大學士立朝
半載未及展布甲申三月李自成犯闕被執
不屈死喪歸郡人醵金葬之案穀城遺孤
字月斯失其名國
變後賣卜吳門

平津賓客竟誰留黃土恩深尚未酬縱有羊曇知舊澤
還憑醉後哭西州

絕句四首

垂楊漠漠雨濛濛獨倚雕闌撫劔鐔欲待美人愁日暮

斷腸風信是一作東南

扁舟明月兩峯閒千頃蘆花人未還縹緲蒼茫不可接

白雲空翠洞庭山

相國風流盡可師講壇景色似當時漳江一帶新栽柳

不遣東風向北枝

大滌山頭起暮烟武夷人去草芊芊自從一閉平津閣

珠履三千盡黯然自注黃講
學大滌山

附錄黃道周大滌書院記王申秋月予以逐客南旋
實攜杖履啟闕斯山何兄義兆左經右鉏網紀其事
曾不數年茨塹聿立苞麓旣平環流旣清四方高蹈
之彥時亦往來興詠其間余方攀柏藝松棲遲漳海
未之能從也戊寅初冬再以逐客南旋緬念斯山睽
違七載遂誅芻其間徘徊日夕當時從遊者為嘉興
倪梅生先春汪爾陶挺錢仲雍琳蕭
山曹木上振龍松江陳臥子子龍也

夏節愍全集卷七

夏節愍全集卷八

青浦王述庵先生鑒定

婁縣莊師洛菀川輯

受業

陳均秉衡
何其偉
韋人編

詩餘

憶王孫

珠簾斜捲翠鬟垂
曉月重樓人未歸
細按紅牙嬾畫眉
影徘徊
一種東風幾樣吹

浣溪沙

柳色深深聽曉鶯
玉闌愁倚夢分明
閒花斜落小釵橫
蝴蝶前生原夜合
楊花身後作浮萍
東風輕薄誤多

情

前調

翦翦猩狔試晚霞斜風輕送七香車倚闌低彈鬢雲斜
難道郎心風外絮可憐妾命夢中花月華流恨到天
涯

采桑子

片風絲雨籠烟絮玉點香毬玉點香毬盡日東風不滿
樓暗將亾國傷心事訴與東流訴與東流萬里長江
一帶愁

卜算子 斷腸

秋色到空閨夜掃梧一作桐葉誰料同心結不成翻就
相思結疏十二玉闌干風動一作影燈明滅立盡黃昏淚
幾行一片鴉啼月

王士正云寓意即
工自是再來人

憶秦娥 懷遠

傷離別相思又值清明節清明節薊門衰草漢宮紅葉
愁懷萬種憑誰說邊鴻不到音書絕音書絕長安何
處晚山重疊

清平樂

盈盈花落無奈東風惡淚滴花魂花命薄頗似愁人漂

夏會思全集 卷八
泊 珠簾半捲窗開惜花嬾傍妝臺夢到畫橋深處黃
鶯喚得春來

喜遷鶯 暮雨南懷

登樓望露華新滿目盡風塵鶯花無主不勝春偏逐斷
腸人 郎未來儂未去獨倚雕欄無語淚珠滴滴對銀
缸化作今宵雨

前調 秋恨

黃昏月五更風一點落花紅和烟和草月朧朧 一作朦朧 淚
雨滴梧桐 露華深羅被冷疑是郎來驚醒凌波幾步
下迴廊月破風簾影

秋波媚 夜泛

急棹孤舟弄晚晴漠漠柳烟輕相思半枕天涯夢繞依
舊愁城 思量往事難回首重到不勝情新愁滿地荷
香十里明月三更

柳梢青 江泊懷漱廣

玉人天際最堪憐月色上花枝暝宿吳江風燈零亂一
餉相思 天涯何日歸期想攜手清光舊時立盡黃昏
亂鴉啼處此恨誰知

西江月 春日

烟柳斜風曉夢輕花過雨春陰無聊無賴到而今又是

夏節思全集 卷八 三
一番花信 枝上流鶯裊裊天涯芳草深深踏青何處
散春心拾得半天愁悶

前調 寫懷

紫燕來時春徧黃鸝啼處烟多過期不至奈愁何細雨
斜風古渡 離恨夜來寂寞歸期春去蹉跎盈盈江口
望烟波枉是朝朝暮暮

醉花陰 寓怨

年年風色真難買聞道春如海幾度誤佳期獨倚闌干
錯把相思害 柳絲枝上風塵債亂點幽闌外翻解誤
紅顏自捲珠簾日日盈盈待

前調 柳

片雨弄愁愁未了柳眼窺春早深處未鶯來弱影絲絲
翠入晴江小 鶯黃半卻烟光曉翦出東風巧借問馬
頭人長短亭前畱得青多少

萼芳草 別恨

幾陣一作樹杜鵑啼卻在那杏花深處小禽兒喚得人歸
去喚不得愁歸去 離別又春深最恨也多情飛絮恨
柳絲繫得離人一作愁住繫不得離人一作愁住

望江南

江上望郎在木蘭舟遠水孤帆天漠漠斜風急雨水悠

悠歸去不勝愁 期已過不見暮帆收
寂寞孤燈寒枕 簾徘徊殘月掛
簾鉤腸斷五更頭

瑞鷓鴣

斷腸春信自年年 烟霧珠簾掩翠鈿
紅滴杜鵑花下雨 綠迴楊柳院中烟
重重春恨憑誰說 兩兩黃鸝喚欲
眠 獨有多情明月在 隔牆花影動鞦韆

鵲橋仙

樓夜

菱花嬾對沈香慵 熟幽恨茫茫千結
待將一枕化愁腸 卻又夢人間離別
幾番煩惱一天愁 悶半雨半晴時
節 猛然聽得杜鵑啼 又早是一輪殘月

一斛珠

新月

暮蟬啼後闌干 獨倚芙蓉扣丁丁
滴滴添銅漏 萬里雲輕一點清光逗
天涯人遠愁時候 乍晴乍雨催人瘦
新愁不許春山鬪 酒醒荷香昨夜相思透

踏莎行

彈罷銀箏吹殘玉管 夢中時有人兒
喚春山點額翠朦朧 秋波入鬢雲零亂
語燕春簾啼鶯曉岸 登樓百徧 賜千
斷淚珠滴上絳紗衣 待郎相見還相看

虞美人

風情

花枝不動流鶯語 寂寂春如許
闌干十二月 朦朧凌波

襪窄繡鞵弓夢魂中 朝霞忽照紗窗上人起青綃帳
送君還過畫欄東落花如雨一池紅五更風

一翦梅 春日

昨夜花開第幾枝還是東風燕子來時南雲畢竟幾時
還獨倚闌干紅雨絲絲 采綠人歸有所思何事分飛
夢到還遲含情無緒詠春愁調得新聲恐被鶯知

前調

黃鸝啼處綠陰遮紅杏枝斜碧柳枝斜和風和月夢魂
賒風亂楊花月亂梨花 春風漂泊夢為家花也天涯
人也天涯花光人面綠窗紗紅是桃花瘦是梅花

前調 詠柳

無限傷心夕照中故國淒涼剩粉餘紅金溝御水自西
東昨歲陳宮今歲隋宮 往事思量一餉空飛絮無情
依舊烟籠長條短葉翠濛濛纔過西風又過東風

鵲踏枝 春閨

珠簾小婦盈盈坐不到春深不解相思苦獨倚玉闌斜
欲語梨花幾陣黃昏雨 聽宛轉聲聲杜宇回首銷魂
無計教春住 一作去 憶得舊年郎去路連天芳草斜陽渡

兩同心 有夢

夢到揚州依然南浦綺羅如夢錦如塵香車寶馬知何

東坡先生集 卷八
六
處翠烟籠十里隋隄茫茫飛絮 舉目魂銷腸斷春光
如許瓊花消息竟飄零荒臺古苑春無主想鶯花十二
樓前迷離烟雨

天仙子 春情

紫玉轆轤青錦索金井梧桐寒寂寞霜韉馬上冶遊郎
花下約燈前諾人在畫樓寒翠幙 無奈愁人春夢惡
淚點羅衫春袖薄一江烟草亂相思當初錯而今莫雁
又不來花又落

千秋歲 憶舊

幾番薄倖無限傷心景眉前事心頭病殘燈餘一點恰

把羅衣整窗櫺外一枝帶雨梨花影 獨步東風靜訪

當時花徑寒悄悄花光淨人去多時也往事猶堪省飄

紅淚銀釭露滿鞦韆冷

婆羅門引 春盡夜

晚鴉飛去一枝花影送黃昏春歸不阻重門辭卻江南

三月何處夢堪溫更階前新綠空鎖芳塵 一作隨風曳

雲不須蘭棹朱輪只有梧桐枝上畱得三分多情皓魄

恐明宵還照舊釵痕登樓望柳外銷魂

洞仙歌 江都恨

珠簾乍捲漏春光一半二十四橋烟花恨滿久傷心故

夏節思全集 卷八
國鴻雁來稀吳江畔古豔陽瓊花觀望隋隄一抹楊柳依依明月迢迢隔河漢露滿玉衣秋夜漏沈沈催刀尺傷心腸斷淚滴金壺紅粉怨偶一夢到南朝亂敲銀蒜

魚遊春水 春暮

離愁心上住捲盡重簾推不去簾前青草又送一番愁
句一作緒鳳樓人遠簫如夢鴛枕一作錦詩成機不語兩地相思半林烟樹猶憶那回去路暗浴雙鷗催晚渡天涯幾度書回又逢春暮流鶯已爲啼鴉如蝴蝶更禁絲雨誤十二時中情懷無數

滿江紅 惆悵

涿水三年小橋畔相逢曾賦長凝佇青驄有影章臺無路月下凭肩衣尚煖樓頭密約書成蠹訪城西惟有畫檐蛛絲如故曉雲意人空慕題詩客愁應訴奈綠陰滿徑乍逢崔護芍藥已傳春夢遠楊花又被東風誤想雕欄不墜卻沾泥言還讎

前調

無限傷心弔亾國雲山古道驀驀地杜鵑啼罷棠梨開早愁隨花絮飛來也四山鎖盡愁難掃歎年年春色倍還人誰年少梨花雪絲風曉柳枝雨籠烟裊禁三千

夏節感生集 卷八
白髮鏡華虛照錦袖朱顏人似玉也應同向金樽老想
當時羅綺少年場生春草

瀟湘夜雨

賦得微字

鶯囀花更蝶圍香國重闌朝暮愁歸墜鞭人瘦怎禁小
風吹不爲春醒嬾起分香處燕子來窺芙蓉帳餘烟已
渺紅淚染離袿 相逢何處也難尋丹棘欲寄啼規恐
蕭郎別後淺淡愁眉剩有菱花一半已不是那日崔徽
長隄路桃花帶笑柳眼自含悲

滿庭芳

傷怨

永巷驚風長門送月年年幾度傷心銀缸點點淚滴露
華侵此夜西宮絃管魂夢中髣髴車音驚坐起孤燈殘
月愁坐倚瑤琴 沈沈芳信杳金鳧烟冷銀鴨香深聽
風絲雨片落月鳴禽卻望君王何處昭陽歌舞動花陰
遙思想六龍天上刀尺動秋砧

燭影搖紅

寓怨

孤負天工九重自有春如海佳期一夢斷人腸靜倚銀
缸待隔浦紅蘭堪采上扁舟傷心欸乃梨花帶雨柳絮
迎一作含風一番愁債 回首當年綺樓畫閣生光彩朝
彈瑤瑟夜銀箏歌舞人瀟灑一自市朝更改暗銷魂繁
華難再金釵十二珠履三千淒涼千載

雙雙燕

紗窗雨過又幾陣東風愁紅滿地黃昏約了剛則是和
衣睡幾徧落花驚起眼盼盼佳期誤矣而今蕩子音書
渾似夢花兒戲 須記海棠花底那萬種新愁誰人憐
你絲絲春雨點滴是相思淚滿眼花眠柳醉腸斷了千
金一紙待將錦字成灰還是和他夢裏

玉蝴蝶

春日惱人花鳥香車寶馬陌上成行相思滿地芳草綠
到西江舊衣香畱他荀令新曲誤顧了周郎枉思量金
壺滴博銀箭丁當 茫茫玉人何處尋伊消息瘦了容
光祇剩些些影兒作對夢兒雙恨多情雁傳銀字愁不
語花落紗窗對斜陽珠簾捲起又是昏黃

桂枝香 西樓

殘鴉幾點噪 一作照 柳外斜陽芳草如翦寂寂雕欄獨倚
紫簫吹徧無聊再訪章臺路暗生香玉人重見珠簾低
鞞丹脣不語星眸斜轉 猛聽得紅牙幾按那玉樹三
聲金衣數轉卻上西樓同倚翠生紅顫暗中細語叨叨
說待挑燈又拋冷面沈沈春醉朧朧春睡梨花庭院

金明池

似雨江梅如烟飛絮細細香風欲送江上夢迴青瑣闥

夏會恩全集 卷八
珮聲卻是誰家鳳幾番空對紫薇花而今悔虛害也黃
梁夢正宿雨初醒春眠未起一派畫樓鐘動 歎謫仙
先朝供奉看春色流光雨捎花重西樓倚錦箏低按東
郭臥玉樽休空莽遊仙白了人頭但芝草連天丹霞封
洞待飲馬榆關拂衣黃閣古月梅花三弄

詞餘

獄中草

金陵雜詠

三江襟帶寬萬里風塵阻疊浪崩雲一線通吳楚奇雲
小孤輕烟大孤猛聽得麗譙□□三通鼓白雁風前月
冷霜華苦

望青烟一點寂寞舊山河曉角秋笳馬上歌黃花白草
英雄路閃得我對酒銷魂可奈何熒熒燈火新愁轉多
暮暮朝朝淚恰便是長江日夜波

自敘

客愁新一簾秋影月黃昏幾回夢斷三江月愁殺五湖
春霜前白雁樽前淚醉裏青山夢裏人合英雄恨淚滿
巾響丁東玉漏聲頻
兩眉顰滿腔心事向誰論可憐天地無家客湖海未歸
魂三千寶劍埋何處萬里樓船更幾人合英雄恨淚滿
巾何年三戶可亾葬

極目秋雲老去秋風剩此身添愁悶悶殺我樓臺如水
鏡如塵爲伊人幾番拋死心頭憤勉強偷生舊日恩水
鱗鱗雁飛欲寄衡陽信素書無準素書無準

我本是西笑狂人想那日束髮從軍想那日霸角轅門
想那日挾劍驚風想那日橫槊凌雲帳前旗腰後印桃
花馬衣柳葉驚穿月陣合流光一瞬離愁一身望雲山
當時壁壘蔓草斜曛

盼殺我當日風雲盼殺我故國人民盼殺我西笑狂夫
盼殺我東海孤臣月輪空風力緊夜如年花似雨英雄
雙鬢合黃花無分丹萸幾人憶當年吳鉤月下萬里風

塵

可憐寂寞窮途恨憔悴江湖九逝魂一飯千金敢報恩

感懷

興亾盛朽歎英雄黃土俠骨荒邱千秋萬歲無限爲龍
爲狗君不見六朝烟草餘芳樂幾片降旗上石頭青天
外白鷺洲暮鴉殘照水悠悠

斜陽裏結綺樓湘簾半掛月如鉤新寒入敝裘想霜韉
駿馬飄零難偶江花江草秋來翦出離愁想著我弓開
楊葉月雲冷劍拂蓮花漢月秋愁三月夢九州歸期數
盡大刀頭人千里淚兩眸西風雁字倩誰收

吞聲哭未休，悵荒烟古渡。衰蒲殘柳，清宵無寐，漫將往事追求。珊瑚鞭，風軟金條脫，寶劍霜生錦臂。鞞威駛露影流，隔牆人唱小伊州。杯中物，鬢上秋夢，回酒醒，月空樓。

南冠客楚囚，望雲山萬里。那禁回首，丁丁曉箭，難爲心坎。眉頭幾番的空簾，翦雨三更夢。我待要望海乘風，萬里遊，雨空逝水，自流寒江積霧，放孤舟。空中影浪上，漚玉關何地，覓封侯。

我那人呵，影何方。書在金陵客夢西樓，一樣西風兩地愁。

送沈伯遠出獄

西風落葉繁，有個愁儂伴。湖海窮途，卻恨相逢晚。平生一片心，斗酒英雄膽。兩鬢黃花，翦燭清宵短。情深不覺秋光換。

夏節愍全集卷八

夏節愍全集卷九

青浦王述庵先生鑒定

婁縣莊師洛蕙川輯

受業

陳均秉衡編
何其偉章人

問

燕問

有客問於夏子曰蓋聞九土星羅不以邊陲為襟帶八
紘繡跣不以荒裔為寰區燕之立國偪處夷落號為四
戰帝宇晚立遂制中原子其述河冀之雄躔暢幽燕之
洪緒以黼黻神京憲章河雒

夏子曰夫燕都者含跨太行枕倚居庸左倚秦齊右屬

岐雍名疆迭郭晉絳重封卻背重阻外合中通連汾溢
漳土厚成膏水陸輻輳雨散雲搖大河南下網絡靈潮
潰維裂軸俯運通漕煥若攄霞之屬影紀北極之南條
昔帝分土錫諸天街雜理燕趙尾箕之涯抗倒馬之險
阻包渤碣以爲家其水則氣霽千峯積素凝華清濁如
圭璋之合二漳有蝮蝮之爛桑乾曉河鷓鷯夜岸澄流
綺望素波若旦碧月吐其朗照華星燭其恬淡至於遼
濡滹沱洞達名郭四民取給戶賤藜藿其山則峻石壁
峭餘勢若奔谿谷環通如往復返緣崖孤峙負日俯仰
乘秋直視浩然白朗遵化之閒望如明月千尋壁絕鸞

舉駕沒乃其外泊靈海也滹滹潰瀑廣莫渺沔洪流電
絕長波造天占當析木之津宇出扶桑之表靈湖曾潭
天吳沒曉淵客鮫人靈居縹緲蓬萊之奧區圓嶠之仙
蹤此河朔之壯觀帝閭之外塘誠足以極神州之偉麗
建五服之雄風矣若夫大河縈帶表裏沖玄虎距龍翔
傑舉連娟靈人握手帝跡推遷是以鳴綠纏其後碣石
鑰其前望玉繩以立祕殿伏勾陳以示重階以此雄視
齊秦儀刑江左內用揆文外用奮武若是何如客曰若
子之言誠地氣所効帝服所聚也然磽瘠險阻古爲戰
區不足以榮華瀍澗附麗皇極也願聞其他

夏子曰渤海之俗雁門之墟魚鹽所利服馬乘車若夫
河水大上百川疏流玉渚金渠雞泊狼溝紫螺澤面文
蛤沈光馮夷之伏處龍螭之隩堂體耀珠璣之豔脊具
星辰之狀黃雉霞披青馬雲放鱗若疊穀環環相比白
浮七屬之鑑形霽謝姑之美黃頰燕頭金齋玉餽於是
水師編葦以防逸罟工橫汕以利收仰綸脈瀉俯罩淵
投橫勾頓網延布曲遏斷蛟宮之橫柱踐龍藉之錦庭
絕波杜波的礫瑩明腮脫黃金之鎖骨通車馬之形弦
章所未賜陽喬所未獲雕俎旣陳鸞刀厭沃百萬之口
不待菽粟若乃遼東之煮寶坻之鹽盆牢之具斥鹵相

連味逾玉女之液潤成形虎之文或凝質於絳雪或同
體於車輪紫菱青泥三汊六銖芳蠲癘消氣調玉膚明
徹成冰與月盈虛爲印爲繖爲石爲練水晶之狀石英
之舒矯玉華於君王匪琴湖之桃花人舉萬絲之獲戶
以累石爲誇舉竈者千里務井者萬家王孫不能算弘
羊不能籌又有弱枝之棗漁陽之栗果徑寸而獨異樹
百尋而同實兼細腰之麗名矜如拳之穎粒積氣以屯
雲垂蔭而屬錦轉輸塞下國用平準是以民工貨殖貿
易爭求細賈有百金之篋富民當千戶之侯殆玉食區
中富饒萬乘矣子以爲何如客曰魚鹽之饒棗栗之利

猶南人之菽粟吳楚之穀麥也何足以矜且務奇利而
失土著此奸人之藪大猾所由來而子方不以爲虞
夏子曰古不稱燕趙之佳人哉靜女俟乎城隅庸弋要
於淇上擅漁陽之間麗極邯鄲之雅尚素膚凝脂沖體
柔暢玄逸再披蛾眉絕曠清嘯發於華質淡豔羈於薄
愁抱麗影而形闌屬哀豔之屢抽雖履境之旣殊並緣
情以寡儔或乃掩鬢入宮倚馬去塞春風省識於畫圖
明月傷心於黃塊一移貴主之情再傾俠客之氣倩妝
羽騎之容影沒神鈎之內巧立的以更端出輕綽於藻
繪黃河暮水碣石秋風落星伏火離霜動鐘獨申怨緒
婉變迎逢人易哀蟬之曲家傳落葉之工最有傷心皆
成銷歇矣若夫後主惑琵琶之唱昭王矜波弋之雄芳
心傾於君掌麗跡濫於仙蹤提謨以縈塵爲妙旋媚以
集羽爲功豈必瓊樹朝新始獲清娛牙檣夜動乃稱名
姝也耶泊乎花明露泣雲靜月來梁塵再歇妙迹難迴
霧雨失神仙之所樓臺畱玄女之悲大非幻情於黃土
埋恨於臙脂矣是故選音則燈前玉面扇後歌聲檀牙
按節歎愕橫生憑羽觴而嘈過經畫棟而神輕循形類
響恨人跡并矣舞節則單綃密幄束素宛舉龍翔鶴驚
蛾遊燕處手形羅袖之翻目動旋懷之舞片影輕飛暗

塵一縷矣至於夕宴崇霞之臺火照華陽之地約皓腕以金環假鬱陶而多累一申搖曳之詞便掩盈懷之淚此乃代北之遺情江南所遜避矣客曰窈窕之節誨淫之器也嬋娟之飾傾國之由也子不稱令德而重冶容何以示後

夏子曰草木之富莫盛於代北莫遠於河冀嶽種名材連疆蔽地百品千條赤章黑質合幹同枝翹英詭植輕霜拂其翠照皎日耀以麗娟雲迴方嶺霞舉秀天挹繁聲於雲路極迢遞於星蹤氣白半規之日影疑遠雨之虹若夫平原春翳萬樹青蔥和風明暕勿鬱難通湖渚耀其披衍陵陸播其放鮮輕月離於樹杪膩雨沐其微妍上延霄氣烟景帶川洎乎當素節之盛秋肅旻天之廣漠宿莽倒其千霞寒光蔭於哀壑丹楓蔽夫平邱涼颯寫其飛藿鳴條啼露野燭孤明城市內隱邨樹山橫爾其林園則柔條散影密葉成鬢散紅芳於曉榭呈素節於椒塗朱英晚耀丹萼晨敷蔽秋千於別院映曲檻於中阿其池沼則丹藕泝波菱芰激水菁藻空明寒菰依沚春鳧秋雁振鷺飛鴛弄明星之麗影侵落水之餘痕踵豔跡於芙蓉牽烟縷於蒲根其所出沒則幽人之棲頓仙客之往還熊羆發其清嘯虎豹振其威顏鹿麋

山中之草雀鳴別野之杉射干騰遠鷓雛青巖物產殊
傑林莽幽玄於是離輪極視梓工授模闢千門之光景
識明粲於畫圖麗譙外淡華屏內榮累棟重雷綺繚通
明顯廠則瓊樓隱霧閒麗則溫室餘清樹昭陽之廣殿
建朱屋之飛甍實茲宇之茂植成萬戶之經營是不足
多乎客曰華林玉樹徒增亾國之悲樓臺祕宇不減流
離之痛且豫章之材渭陽之產是不一土何子之寡聞
渺見乎

夏子曰燕都本負青豫宿號神區所以倉頡著軒轅之
史崆峒開黃帝之圖道霽日月暉耀璠璣迨自父師侯
服太祝須糜墨胎發義士之憤仲由策尼父之衰切齒
變通之輩更稱盛德之辭鍼石天人道監著龜至於禍
構七雄市朝亟徙昭王崇倚袖之賓俠客傾千金之餌
開碣石之宮築黃金之宇合黨連曹比周結伍各逞習
情懷抱傑舉驅扇山東之國衽服叢臺之旁燕丹躡蹟
仗志謀強帝秦旣劣任俠尤彰田廣齒劒於期拊髀血
濺一函頭行千里慶卿用以低徊漸離和其變徵歘獻
擊筑之晨圖深督亢之屺衣冠寒易水之風壯士拔登
車之泣觀者掩袖聞之於邑矣若夫田文薦簋於輟食
趙勝斬姬於躄者聶政捐軀豫讓爲啞雖屠殞之相繼

夏節愍全集卷九
六
實意氣之傾人泊乎耳餘刎頸敬通用賓博沙肆我雄
風曲周聚其亾命長孺任氣子孟効忠心旅獨又謇謬
匪躬至夫珠囊旣委之日當塗始建之年樓桑開大耳
之客郵城興十日之賢南皮婉變西苑清娛詠高堂之
清角歎轅車之介塗披芙蓉於曉麗激哀箏於夜湖本
非搖曳條暢情區矣又若中散爲促柱之聲茂先工文
筆之麗鏗鏘並奏體無餘滯豈非壯夫之業終鮮膏肓
之累哉是可以誇矣客曰此朔土之輕俠劇盜之藪也
子曷不稱鄒魯之風流江左之淡逸而以此爲矜

夏子曰維昔帝墟建祚釜山分玉始創幽陵離於林麓

保奭繼封楚宮再卜世事旣長撫曩成宿若乃文侯據
其易水蘇李量其中權林湖北固包絡樓煩滹沱南帶
席卷雁門車甲雄於外靖富饒沃於中屯雖爲三晉之
厚蔽實爲盤踞之籬藩所以守白馬之津漢高示其形
勢塞井陘之關左車制其不敵臨曲逆而洛陽爲儔弭
白檀而北平加衛至於姚期啟戟五旛自斃鉅鹿申銅
馬之威博野重石春之閉温明晝臥叢臺夜盟東封試
其逸翥信都慰我旅行若夫南陲北際孫瓚尋謠築京
樓以自固通圍塹而引漕本初繼逆專節揚鑣窺相鄴
於官渡并燕代於館陶橫大河之帶地襟四州以在郊

爰自孫劉尋斧馬晉播遺元海阻平陽之衆容號籍棘
成之規趙王趙帝翱翔於襄國快牛犢子拔足於鮮卑
洪枋巨堰深渠高隄鑿曲光之海造清涼之池起京雲
以爲廣苑作甘露以佇昭儀棗強營弋仲之壘段侯撫
清河之陴樓臺壯其中立壁壘周於四維慕容假其舟
楫南徙合其流漸中都有固節之地宛平別君子之鄉
窺中原以北倚兼匈奴而徜徉極夷夏之樞要輕關陝
於幃牆備立國之盛事占上古之舊疆子以爲何如客
曰此夙昔之已事其人與言皆已朽矣雖隆之以至於
天國不蒙其庇家不邀其貺也何以榮若國

夏子曰古都幽薊之墟者惟金元之錯峙非陟方之令
名何以對揚建業招服縱橫我文皇帝之拔興也奮天
策於朱邱集淵謀於北平燕山虎符漁陽突騎並赴戎
行霆驅電麗抗旌日月之旁鞭策風雲之勢斃鼉錯以
安劉納宋昌而投袂藩服外來肘腋內潰鼓行平掌之
中摧鋒似面之埭扼地肺而代神圖渡石頭而興帝制
鏤金高廟服冕句吳反正於此四海歸符仁絲地絡體
洽天區玄澤旣被神武旣修郵支之鼻不足射普贊之
庭不足蹂六飛四駕九譯其球銷烽夷嶂恬波河渚道
正四衡風澄萬寓昭玄扈之帝圖渺鄴宮之王度妣氏

何稱姬文何慕爾其宸極首正則玉帶軍都連巨環抱
銀山神嶺龍翔鳳躡盧龍奠其維飛狐茂其表乃象鉤
陳爰稽列曜采蕭相戒陳羣佩玉繩以鏤柶抗明光以
圖雲丹梁懸蒂雕欒疊申樹華闕之雙邈作離宮之對
陳述二分之至正考三垣之逡巡其經制繼開則藩屏
九服筦齊六卿貴賤有物權法有經擬周官立卿輔象
神策爲經營開郡國之方面詔金吾以專征嚴黜陟之
考課察茂才之卓行敷贊國式齋祓羣生審料賢愚精
燭幽明詠簫韶而天人應奏雲門而雕氣施連理合幹
於殿薨蕙莢積蕙於液池象車渺渺景星離離霜毫玄

文素翻赤驪彰灼蘭囿曜質禁幃淵雲莫能頌京都所
未窺治合泰階理配金陵南北永峙萬古又寧用基明
辟永賴天成客乃茫然失據避席離立曰至矣哉規制
之盛考極之弘上昭下格外靖內寧彪炳雜沓其何以
加焉擁京師以一中原服荒裔雖炎黃之治如是而已
庶幾藏諸名山以彰昭代之宏

此篇得之最後閒有論字
惜無善本校正讀者鑒焉

論

周公論

夫大臣之厄不敗於專制而敗於猶豫貴戚之傾不蹶
於孤介而蹶於寵榮也竊見漢宣帝時霍光輔政事必

關白然後奏聞弘羊見族上官被誅攬權至切也然而
不敗首創廢立放斥昌邑手脫璽綬操上至急也然亦
不敗顧疑沮芄蘭之藥不忍淳于之計欲自發舉卒不
斷割鴟鴞鼠暴竟爲酷禍所謂猶豫之失也金日磾種
自休屠馬黃門本非大族終鮮黨與去妻殺子豈非至
孤而保全家聲不墮忠實山禹之儔繕治第宅走馬平
樂使奴上謁出入宮禁竟成徹屋之怪禍萌驂乘之年
所謂寵榮之失也昔者周公輔成王身履乘石朝則負
展謗流羣叔少主傷心卽二公不無怏怏此時公雖大
聖得無少自引嫌乃獨任胷腹之氣芟刈股肱之任劄
心著地何足自解斯特恃其莫可誰何耳然則何不挾
制嗣君使天下自在行閒仰承至順之詞坐爲自大之
計豈非萬全無失哉而身離闕廷獨仗元戎可謂危難
不測矣旣又不能歸愬冲人自謝專擅之罪悠悠東國
之行紛紛風雨之句無論其心之忠與否迹其行事亦
大非忠愨老臣所爲矣顧方變起幃闔內外危疑公旣
不能直其事而又假託至尊遷劫乘輿則天下搖搖遂
成不釋之嫌公且豈有投足之地耶及二年之後罪人
斯得國難雖除而吝咎歸於一人此時解衆釋申則有
倉卒致變之憂趨兵西下則有威震帝京之勢雖欲待

罪長安首自歸服又安可得乎況乎三叔既誅公已挾蓋主之威處莫可容之迹而不自引歸依假縣官乃孤兵坐困曾無俯仰於防危慮患之事若無所與者天下豈有此等叛臣逆相哉雖有刺骨之談無所搖其唇舌既畜之疑亦可洞胸徹臆矣詩不云乎制彼裳衣勿士行枚曾非長轂雷野高鋒彗雲進有顯赫之形退有難解之迹此亦何必自爲陳說然後免於咎累耶所以其出也斷然東行但曰我之弗辟我無以告我先王耳乃其既還成王執書涕流過自刻責而公也默然無辭反作詩慰勞將士苟素無斷制少結依援又何能履變而

不疑耶是故去猶豫避寵榮此大臣之所以自全也雖然公亦甚難矣苟成王不可輔何不躬行伊尹之事身蹈放逐之舉而委曲以自保乎不知公與伊尹異勢夫尹起自匹夫出入夏殷數行閒謀求濟於危難之際子爾一身非豁然自任探索外度不足自建所以首創革鼎之圖中更放廢之事誠計無復之而不憚履危也若周公者雖號從龍而體膺天家本其素族循其門望自足保全功名苟前業無改嗣君可輔又何必過自高異負不世之疑以求非常之功哉此又門胄之不可以不知也

三國論

原夫豐配去而青冀衰葛陸盡而吳蜀斃興替之兆實由心膂帝制之圖率此爲鑑昔珠囊旣委漢紀淪亾羣雄拔起冀清天步然皆宿心朱邱之尊積望青綸之貴義旅更成桀寇伐叛卽爲國賊於是區服雲擾莫能相一矣爰及魏武以建義爲名草創天物頓邱遷令小識當塗官渡悉軍大清公路豈能獨任心脾頓還舊物哉亦以羣策景從淵謀輻輳故耳是以四州克定文若見酬二事假還介推卽祿困躓齊克之郊竟臯紹布之首納縞素之議則博望重開推赤心之札而費亭再襲於時郤侯之計已左黃盾之圖不悛遂令逃去袁賓階登魏幕呼來漢隸抗袖許門雖毆魚逐爵功成摧朽而帝獻婆婆卒授昭華之玉子桓柔直仍探孺子之符苟非俊佐素儲寄託明審可以坐論代終耶何則征伐之事雖危可以義從禪代之謀雖易難以卒服也若夫大帝奮破虜之餘業籍江濟之舊服外有強敵內患荊州大耳投袂頗非黃閣之賓俊傑雄圖何堪帷幄之佐豈知荀郭之勢事等棄袁文舉中立無妨大計哉旣欲與之拒魏復慮潛爲蜀寇所以招延差不易耳然而公瑾偏師漢陰瓦解陸口耀兵西陵小挫再撓髯羽之威竟卻

濡須之寇至於鳳邸一開則管簫鱗集西曹再序則枚
叟翩翩輝耀天坐名聲光國豈徒細綿餘文瞻眺芙蓉
之地睥睨西園之下哉蓋其釋潘濬於囚虜之中拔呂
蒙於戎伍之列固足以坐扇豪傑而卒保山河之固也
漢昭烈羈旅河北寄寓湘西睿算屢乖見猜吳魏掃驅
國逆房傑之倚尤深解甲圍樊黥彭之戰爲劣以御山
東之勁旅摧江左之雄師喟然鼎足方彼爲難痛我百
六之喪息肩庸益之郊始不及乘袁董之衰終不得收
南北之弊所以有初甚難而否終更亟也然而仁聲洽
日月之表壽亭貫金石之誼非猶二氏之總率亾命叩

榻者投分倚裾者愛升矣是故江陵奮翮志馳吳會之
西斜谷東躡威震河華之北士元龍升隆中鳳邁孝直
縱橫則成都面縛沂江西上則外水白潰漢升領我裨
佐公琰處其中權所以割據漢中爭雄帝魏者也迹其
旣敗則姜葛云亾而劔閣靡衛諸陸奄盡而建業爲墟
一之曹魏莫不皎然或者謂廢興之際莫不由人而招
徠之術亦又有勢魏武雄視中原羣謀雲發吳主跨連
江表吳楚兼庇益土險阻彥士寥寂是徒知攸或之佐
其前而不知昭懿之亦盛於後也知關馬之躡蹶於先
而不知禕琬之不叛於終也知權策之得其人而又不

夏節集卷九
知吳皓之失其衆也是故開國承家必先鼎輔朱輪華
轂用以驅扇豈必借才異代然後爲治世至末流無可
升攬歟

土室餘論

淳之生也十有七年昊天不弔宇宙禍盈生之不辰非
我先後先文忠投淵殉節便爾無家湖海飄零于今三
載風旂霜旆捉衿短衣備人世之艱辛極君親之冤酷
窮途歧路斷梗飛蓬日旣如流天猶共戴嗚呼淳固知
生不如死久矣特以國難家仇未能圖報忠臣孝子自
當笑人故飲恨吞聲苟全性命湖中之起身在行閒不

忘喪元獨當一面江東嶺表日月雙懸先文忠爲國死
淳也爲國生於是七尺受一命之榮九重蒙三錫之典
恨不 此 食下報幽冥噫以淳拜命蠟丸執戈幕府
成仁一死抑亦何言嗚呼家仇未報臣功未成齋志重
泉流恨千古今生已矣來世爲期萬歲千秋不銷義魄
九天八表永厲英魂先文忠得爲皇明臣淳也得爲先
文忠子吞聲歸冥含笑入地嗚呼淳今死矣抑又何言

知吳韓之失其衆也是故開國承家必先混輔宋輪蓋
以驅扇豈必借才異代然後為治世至末流無可
升擢歟

文忠子吞蠶蠶真合笑人此即平事今天矣時又何言
大天八表衣瀾英爽矣文忠得為聖朝聖朝也吾為我
泉流歎千古今世已矣來世為與萬劫海深不離美與
如小一水唯板而每款潮來此未辨吾世未如齋志重
那不此世食不難國真朝以事我命融此時漢幕我
事必為國主成畏少只受一命之榮此重榮三豎之典
我元際當一面心東嶺表日月雙懸表文忠為國表

夏節愍全集卷十

青浦王述庵先生鑒定

婁縣莊師洛純川輯

受業

陳均秉衡 何其偉 韋人編

檄

討降賊大逆檄

杜登春社事本末甲申正月余輩數人稱江左少年上書鄉紳

四十家乞舉義勤王為衆紳所嫉又於哭臨時草檄討從叛者一時投闖之輩皆側目而主其說者實余與夏存古二人

崇禎十有七年夏四月江左諸少年討降賊大逆臣曰
運啟十華便有玄黃之戰德深九世亦來赤綠之羣土
穴廩君餘魂散野山頭廷尉逆首行邊初飛樹鶴之毛

夏官恩全集 卷一
笑漫天於阿舅纔問野豬之口談綴日於黃家兩臂揮
汗血之鞭月中躍馬一眼見如人之石河上投戈代有
元兇終焉分豕若我太祖駕綠蟠而首出克靖南街文
皇行玄菟以重華永清北極宣英憲孝撐梨不晦之辰
世穆神熹若木常輝之旦大行皇帝代來而東南再讓
兆洽庚庚周鼎而西北多艱治先甲甲三百年之鐘虞
德邁五三十六世之和鸞運逢百六濺衣嚴衛嗟庶見
於槐林齧臂殉亾止相期夫椒闔雲昏雀瓦然灰玉女
之窗日暗龍樓化碧仙人之掌方介圭時惕不聞子弟
梨園奈金柅頓馳一作誰作父兄僕射祇以甘陵有部

相持鉤黨之名遂爾司馬無師莫講飲飛之技因之青
袍入殿外朝不抱烏號黑犢驚鑿後苑惟啼苦竹引豺
狼於中禁疇作厲階甘臣妾於寇營爭誇新寵慕容豔
耦薦枕堅頭匍勒半人授官鑿齒碧池舞馬并無摩詰
賦詩金統縣雞先待日休草詔父師渠帥呼牛則夫子
關西堯禹叛囚報李則將軍宇宙遂不憚淮淝送死急
請投鞭復倡言許雒營田無煩運粟引弓不阻筮同鄭
國之蛇仗劔無徒心異臨江之燕百爾朝貴交誦范陽
聖人藐茲庶民或效宣陵孝子彼義深屬吏田疇尚哭
幽州豈恩薄舊君豫讓乃忠智氏泥犁未滿其獄狗彘

詎食其餘倘爲于禁潛歸定合然臍掛膽若便會之懷
毒尤須赤族瀦宮我儕帛書自矢室劔相盟君子六千
有死無生之氣丈人九二承家開國之心二姓老奴罪
在不赦一門先澤義無可辭子明髡髮之年便能擊賊
討逆成童之歲卽善揚兵誓不與此賊俱生河朔將馳
一作持虎節請問汝元宮何在里門早樹蠶旗此檄

序

續幸存錄自序

幸存錄者先忠惠國變後所述也首盛衰大勢遼事門
戶與流寇皆有大略有雜志并并鱗鱗本朝中斬之由
莫不次第詳盡述至先帝死社稷遂絕筆不復紀先忠
惠臨歿呼淳也手編而命之曰余欲述南都之興廢義
師之盛衰焉今余從義師諸公九京遊矣靡有悔矣汝
雖幼南都之大政於庭訓猶及聞之義師之役汝實朝
夕余余死矣汝其續余書以成嗚呼手澤存焉父書猶
不忍讀何況續其遺書耶然先志不可違也白草土以
來恒思纂述而哀瘠之餘形神俱涸一經置筆念及先
忠惠風雨一編便淒然自廢景光如逝忽焉小祥次先
忠惠遺行之後繼以此編不敢苛不敢私不敢以己意
曲直凡南都大略一卷雜志二卷義師大略一卷雜志

二卷先忠惠行狀一卷死節考一卷為續幸存錄余生也晚所見聞未廣後之人謂余多所遺闕也敢不受責若失之誣失之枉我知免矣破巢餘卵旦夕待命藏是編也名山石室望一日之中興明天子開天祿石渠訪蘭臺之遺追述先朝軼事焉是編也或與幸存錄非小

補云

附錄宋徵與夏瑗公私謚說乙酉秋八月華亭夏瑗公先生自沈於淵以死越二月於陵孟公自禾歸於郡徵與往見之盡問郡故及瑗公先生孟公曰古有私謚我欲謚夏子可乎徵與曰可哉其所亡國而既亡矣朝無所冀野則專之且吾子習於夏子吾子而謚誰曰不宐孟公曰請謚故吏部考功司華亭夏公允彝曰忠惠徵與曰敢問忠孟公曰從國而亡者有矣從城而亡者有矣夫豈不義或拘於時無所復之

也否則一朝之激也今夏子處野土無所寄敵無所索民無所望爰造於淵如在寢簣宣厥治命以訓後人以申臣諒史遷有言其素所蓄積者然也可不謂忠乎徵與曰敢問惠孟公曰知死必勇夫夏子豈不知致憤於疆必有與斃哉豈不知絕脰剖肝足以耀志哉以為彰譽而殘民亦勿攸濟有弗忍也且夏子曰余以國固也夫宗何罪余以有考而余兄與余子也免先人其無余尤外及寬乎國內及愛乎宗令終有俶施及生民不亦惠乎且夫魯人之頌展禽孔子之論國產皆是名也徵與曰善哉吾未之聞也禮曰君子表微

書

與李舒章求寬侯氏書

孤子復叩頭叩頭竊惟獎舊朝之死事者開國之風恤亾友之遺孤者故人之誼況復文武興期儒林冠冕乘

時運力風教攸歸者乎本朝金圖有瓦玉歷多屯四海羣飛孤城潰版侯忠烈九列大臣一門畢命徒有申胥之志卒被王琳之殃而廢宅蕪田追呼孔迫官徵之令絡繹道途致同氣有向隅之悲遺體有窮途之恨是所不圖敢祈一顧昔瑤臺象箸之亾典午當塗之起則有彭咸墨允葛誕王經親逆蟠鱗矢摧應額而皆崇其廟祐貽及子孫卽李侍郎之一人文信國之三載雖膺燕市之刃猶瞻廬陵之田忠義在人與朝攸恤古今一律夷夏同之

清室乘時入居中國巍巍革命萬物維新出綍言絲賞信罰必其於死國並許承家一見金臺之令再有石城之移豈意桀犬必誅殷頑不赦立錐莫許封鬣無存使恩辭之不信安見如綸若嚴敕之更頒是爲反汗乃執事者稱奉密旨斯所未喻一也土公節鉞南州旌旄江國簡書之任委寄特隆至於鏘鏘駿騎日蒞輸將躅躅行人時徵賦籍胥徒相望於道銀鑄不絕於途遂使寡妻飲恨而歸泉孤子傷心而寄食豈其新政實有嚴科孰謂撫軍有斯苛令且兩奉移文俱遵免變朝三暮四昨是今非昔何爲而蠲末今何道而苛嚴豈其然乎諒不然矣斯所未喻二也管宗伯扞戈西市徐詹事抱石

東淵而丞相府前盡蠲土木之籍太守轅下依然禾黍
之油豈春膏之滋於彼良厚秋霜之悴於此恒深抑彼
遵何德魚鳥樂於江河此實何辜虎豹蟠夫閭闔地不
私載能無疑焉斯所未喻三也或謂胥吏之徒賄賂爲
政朱提充橐阡陌無虞白粲空囊瓦椽皆禍不謂靈通
泉貨仍開建國之初論刺錢神難免庶人之議斯所未
喻四也又謂父兄死事子弟歸誠則田籍不收室廬如
故然土室授經王儀有子侍中仕晉叔夜無兒古有通
言義無出理若使狂呼草澤公命菰蘆謂之怙終斯無
異議今皆夷其緇撮 蠶 以從時忍此餘生老空門

而棄世順逆異判是何道歟斯所未喻五也養老恤孤
盛朝休典今龔恭人耆耄之年含辛垂絕智舍兄零丁
之質立骨無依卞望之之家祇餘壽母袁景倩之室僅
有存孤四海空囊一身立壁痛猶生之而傷未死之心
道路慘然戚同吳越而徵求不已零索無窮恐桑榆暮
氣無處求生橋梓深哀於焉待命如其布德施仁當無
斯虐斯所未喻六也足下忠孝克孚經權咸濟哭秦庭
而復楚借漢室以報韓對匹前猷古今靡愧使足下身
當竿木之期必有風雲之志素位之義易地皆然卽以
握印投環驂龍馭帝之太僕十畝之外七郡俱興必成

旅之是圖豈江湖而躅足幸足下反省此心追懷尊者
忠謨雅烈一視齊觀起腐草而晞暘立枯骸而肉骨恩
流百口光映一時昔子牙不殺伯夷巨元之撫嵇紹復
於足下能無望焉至於上國家門已凋半壁衣冠黃土
同卞壺之兩兒奴僕青衣等田橫之二客蓋棺莫掩未
容馬鬣之封赴水如歸竟抱鼈靈之痛慈闈已耄弔影
緇帷孤子方鰥長號總帳訴朔風之且過有類寒號填
滄海之無窮恐爲精衛復自綠林一嘯寄食無門先世
交知依棲膠土白首同歸之好九死知心朱絲聯訂之
歡三生雅誼家慈之鬢雲旣脫四寡其居而復也苦土
相從兩孤同命我寡兄弟義均死生漁而竭澤同泣過
河之魚虞不張羅共放野田之雀惟足下詠平陵之曲
懷壽春之悲念及侯忠烈不死寸心先文忠如生雅愛
一垂波沫用展存亾則生効執鞭死當結草豈止蛇珠
隋氏環鳥楊生而已哉惟望鳳麟寬其蝟蝮雖爲蟲豸
仰而叩頭鳥用哀鳴不勝哀戀孤子復死罪

獄中上母書

不孝完淳今日死矣以身殉父不得以身報母矣痛自
嚴君見背兩易春秋冤酷日深艱辛歷盡本圖復見天
日以報大仇卹死榮生告成黃土奈天不佑我鍾虐先

夏節愍全集 卷一
朝一旅纔興便成齋粉去年之舉淳已自分必死誰知
不死死於今日也斤斤延此二年之命菽水之養無一
日焉致慈君託迹於空門生母寄生於別姓一門漂泊
生不得相依死不得相問淳今日又溘然先從九京不
孝之罪上通於天嗚呼雙慈在堂下有妹女門祚衰薄
終鮮兄弟淳一死不足惜哀哀八口何以爲生雖然已
矣淳之身父之所遺淳之身君之所用爲父爲君死亦
何負於雙慈但慈君推乾就溼教禮習詩十五年如一
日嫡母慈惠千古所難大恩未酬令人痛絕慈君託之
義融女兒生母託之昭南女弟淳死之後新婦遺腹得
雄便以爲家門之幸如其不然萬勿置後會稽大望至
今而零極矣節義文章如我父子者幾人哉立一不肖
後如西銘先生爲人所詬笑何如不立之爲愈耶嗚呼
大造茫茫總歸無後有一日中興再造則廟食千秋豈
止麥飯豚蹄不爲餒鬼而已哉若有妄言立後者淳且
與先文忠在冥冥誅殛頑嚚決不肯捨兵戈天地淳死
後亂且未有定期雙慈善保玉體無以淳爲念二十年
後淳且與先文忠爲 塞之舉矣勿悲勿悲相託之言
慎勿相負武功甥將來大器家事盡以委之寒食孟蘭
一杯清酒一盞寒燈不至作若敖之鬼則吾願畢矣新

夏官思全集 卷一
婦結褵二年賢孝素著武功甥好爲我善待之亦武功
渭陽情也語無倫次將死言善痛哉痛哉人生孰無死
貴得死所耳父得爲忠臣子得爲孝子含笑歸太虛了
我分內事大道本無生視身若敝屣但爲氣所激緣悟
天人理惡夢十七年報仇在來世神遊天地間可以無
愧矣

遺夫人書

三月結褵便遭大變而累淑女相依外家未嘗以家門
盛衰微見顏色雖德曜齊眉未可相喻賢淑和孝千古
所難不幸至今吾又不得不死吾死之後夫人又不得
不生上有雙慈下有一女則上養下育託之誰乎然相
勸以生復何聊賴蕪田廢地已委之蔓草荒烟同氣連
枝原等於隔膚行路青年喪偶纔及二九之期滄海橫
流又丁百六之會熒熒一人生理盡矣嗚呼言至此肝
腸寸寸斷執筆心酸對紙淚滴欲書則一字俱無欲言
則萬般難吐吾死矣吾死矣方寸已亂平生爲他人指
畫了了今日爲夫人一思究竟便如亂絲積麻身後之
事一聽裁斷我不能道一語也停筆欲絕去年江東儲
貳誕生各官封典俱有我不曾得夫人夫人汝亦先朝
命婦也吾累汝吾誤汝復何言哉嗚呼見此紙如見吾

也外書奉秦篆細君

夏節愍全集卷十
陳大樽選明詩存古年纔十餘爾而宋轅文
援其論詩以作序此時已許其作後進領袖矣迨十五
從軍十七授命磨盾草檄不異老生宿儒信異稟也
沈德潛云存古生為才人死為雄鬼汪疇不足多也詩
亦高古罕匹

集評

鍾淵映云嗟乎時逢衰亂年未成童矢口衝喉憂生歎
逝惜別傷離非凶終之兆而亾國之音乎夫從來幼慧
正命無多神童篤君親誼蹈忠孝愚似非不得其所者
而功名無所建豎著述未有成書既厄於年又酷其禍

天生奇才果何為哉

柳塘詞話夏存古玉樊堂詞向得之曹顧庵五集中見其詞致慷慨淋漓不須易水悲歌一時悽感聞者不能為懷留此數闋以當東京夢華錄也

古詩四

贈言

贈夏童子端哥

自注雲閒夏彝仲之子

錢□□

端郎信不同非我欲求蒙背誦隨人詰身書等厥躬倒
懷常論日信口欲生風燈盞調聲病棊枰喻國工若今
酬聖主便可壓羣公不見軒轅后天師稱小童案此詩作於崇禎十一年戊寅節愍時方八歲蓋隨考功在京師也
魏宏緒松風餘韻眉公集童子讚四則為夏彝仲長公端哥作句云包身膽過眼眉譚精義五歲兒又云矢口發下筆靈小叩應大叩鳴自注時講上下論語老儒弗及計其時當在甲戌乙亥間甫閱一紀而慷慨授命矣包身膽三字微君若有先見焉

哀辭

夏舍人玉樊名完淳

吾友詩 四十五首之第一

夏舍人玉樊名完淳

杜登春

讓水

玉樊王佐才少小薄章句生不辭黨魁死不辭刀鋸虎
阜前致詞徘徊淚如雨俎豆有餘馨悲哉大哀賦

同帶三雪峯洮侯蒼水諸子偶飲夏考功廢宅

有感

周茂源 金山

有酒寧煩折簡召開居詎顧尚書期下馬徑入高陽會
岸幘連傾金屈卮一斗不醉盡一石仰視屋梁三歎息
此地今成孫楚樓當年本是袁安宅主人疇昔此堂居
窈窕深藏萬卷書月旦清流推重望朱輪結駟日充閭

末俗衣冠多不古鳳臬殊種分門戶考功先生長食貧
時人誤說城西府令子三吳號聖童高才直與機雲同
靈均自沈湘水曲義公復死平陵東行過西州興慟哭
山邱零落存華屋錄入官家甲第空恍惚精靈致回祿
飛甍畫棟悉飄零僅見侯芭問字亭地下昆明灰有劫
窗前書帶草猶青生死存亡真異代中郎虎賁竟誰在
北海樽罍客已孤東山絲竹人難再眼前數子氣嶙峋
忘老忘憂作酒人無人不共公榮飲坐客偏於車肩親
今夕渾疑飲燕市狗屠擊筑悲風起拔劍歌呼奈若何
考功父子長已矣

夏官集 卷五
讀夏文忠公絕命詞及嗣君中祕遺屬口占

周兆龍 印武

從戎偶不遂擊 本非難止水明心跡銛鋒齒漢官一
家真父子兩代有悲歡毅魄今安在蕭蕭易水寒

過花溪諸子輒留飲飲次談及夏考功父子爲
之垂涕遂賦是詩落句別有所感情見乎辭

周兆龍

猶因令節漫相等到處銜杯話亦深一日湘纍千古恨
數行血淚百年心國殤滿眼葵榴合義氣彌天風雨侵
今昔交情誰最切醉中一爲發哀吟

輓瑗公先生令子存古

宋徵壁 尚木

那堪一日幾回思美子何由再見之洛浦錦衾曾與共
沅洲香草竟誰貽情多鄴下惟王粲才富雲間並陸機
自有延陵能掛劔伯牙應得痛鍾期

哭存古二首

計東 子山

一時義旅自紛紛石友同歸有數君海上龍旂終不見
山中鶴唳竟無聞銀烏永夜啼明月黃鵠三秋怨白雲
渺渺故園離散後可憐風雨浸孤墳

濁醪長夜自從容一曲瑤琴恨未終洛下書生空作賦
漢廷才子爲誰雄魂依杜宇三更月氣作雲霄百尺虹

此去巫陽招未得大江千里暗青楓

題夏存古舍人遺集十首

王 雲 勝時

崑山婉孌弔湘纍宋景相逢憶我師每對朔風獨掩淚
寒窗又讀舍人詩

最憐同病出重圍攜手相從白社歸後死愧君兄事我
數行清淚點緇衣

夙慧如君似孔融龍鸞十五擅江東大哀一賦凌雲氣
永夜寒光射白虹

玉笙一去冷緱山羽蓋靈旗夢裏還莫謂覆巢天不問
鳳雛亦是厭人間

彷彿風雨夜銜杯屈指論文醉幾回最惜青門詩句好

玉樓同跨紫鸞來 自注夏子嘗稱邵景說詩

南天佳氣日重輪西掖承恩御墨新遙望五雲飛不到
子規聲斷泣孤臣

下江旌鼓動江城弱冠終童獨請纓一旅戈船親草檄
三春蓮幕夜論兵

三賦無衣聲轉悲茫茫滄海蠟書遲報韓公子今搖落
黃石橋邊欲待誰

白楊北郭莽蕭蕭送子南冠客路遙說到枕戈添哽咽
千年碧血恨難銷 自注夏子赴義時余與顧子韶送之北郭

童烏九歲受立文一卷遺編斷碧雲落日青楓荒草夜
憑將雙劍弔孤墳

附存

絕命詞

見徐秉義明末忠烈紀實

夏之旭

元初

余遭先帝變寄跡浮屠乙酉八月松城潰舍弟彝仲殉
節余即欲偕死仲以孤寡見託用是未果然不向城市
而坐已兩年於茲矣今年四月吳鎮不忘本朝一時趨
附者邀患難而幸功名余謂兩兒曰此徒使生靈塗炭
耳至十七而變作迨後搜求黨與且購求陳臥子甚急
坐以叛名欲置之法嗚呼

新朝之所謂叛乃故國之所謂忠也夫何傷哉余讀聖
賢書今死聖賢地

案元初以丁亥五月二十五日自縊於文廟顏子位旁

夫亦死

於聖賢之教非死於

新朝之法也詩曰嗟余薄祜少遭不造皇路多虞撫臆

思報穰穰國人藩之垣之惴惴縲宰抗章白之余一介

儒曾霽天顏原注豈救松江守方岳貢耶歲寒之意至死勿遷仲賦

懷沙身無貶屈惜哉臥子何不早決原注良友之言故君日逝

故友已亾吾將安歸敬附首陽從容自引魯壁踰踰遐

哉尼父余敢對揚案吳履震五茸志逸所載元初絕筆與此小異其詞云我於甲申春遭先

帝之變已無意人聞世矣奈以家累牽纏妻沈氏死于

乙酉三月於五月幼子復死遂削髮于竹籬菴不幸八

月松城破余弟彝仲殉節余時欲與弟同死因孤寡幼

弱弟堅屬余留看孤寡遂覘顏視息焚修奉佛不入城

市不見親友此松郡萬耳萬目不可掩也今年四月間

忽傳吳鎮有復明之舉余曰徒使生靈塗炭耳遂避跡

松塘荒僻之地一日方督耕田所忽有憲牌生余為陳

子龍叛黨捕役先擒余次子詣私室酷刑逼詐余時聞

知不覺髮指皆裂欲挺身就戮獨念叛無實據人以此

赦之條皇天后土實鑒臨之但今之所謂叛乃先朝之

所謂忠也彼加我以叛名乃加我以義名耳何妨一笑

受之有勸余者曰士撫臺公平詳慎何不出辨而遽自

裁余曰我生平豪傑自命今以方外自處何等高潔乃

囚首屈膝求活于公府之庭不亦羞當世而負生平耶

然不死于家而死于聖殿幼讀聖賢書而死聖賢地之

旭死于聖賢之教非死于清朝也為清朝之官者

苟良心不死天理猶存於枉死者亦一動念乎抑余更

有說焉人壽幾何富貴幻泡幸當事者少存慈祥寬釋

冤累以求免于劫運循環未必無少裨也

慈憫衆生饒舌勸化又自笑其婆心矣

追悼

考功侍妾

陸

氏

一作甯氏

錦瑟蒼涼憶舊蹤芳年行樂太恩恩焚

一作濃

香簾幕圖

書靜得明

一作

月樓臺笑語通人並玉壺邱壑裏才分彩

筆黛螺中祇餘一作緣華表魂歸去夜夜星辰夜夜風

先考功忌日三首

夏淑吉 荆隱

輕生一訣答君恩伯道無兒總莫論不忍迴腸思昨歲
楞嚴朗誦一招魂

翻疑愛重摘人天子女緣微各可憐拜慰九京無一語
花香解脫已經年

望係安危一代尊天涯多士昔盈門邱山零落無人過
夜月烏啼自斷魂

受業 楊三俊後人 何其章琢甫 參校

題辭

題夏內史玉樊堂集

王昶 述庵

家國淪亡後詞章喪亂餘八哀歌杜甫七日哭包胥字
斷疑科斗文殘恨魯魚賦才追小庾千載共欷歔

事已悲青蓋官猶重紫薇黎侯靡所與鄗子又無歸起
舞攜長劍從軍拂短衣飄零鮫客淚點點化珠璣

慷慨籌時略蒼涼絕命詞蠟丸通閒道壘粉恨偏師敏
慧前生業流傳後代悲湘真遺刻在珍重竝尊彝 湘真 草陳

黃門集名內史 其受業弟子

輯夏節愍集成題後

莊師洛 泖客

天荒地老出奇人報國能捐幼穉身黃口文章驚老宿
綠衣韜略走謀臣湖中倡義悲猿鶴海上輸忠瞻鳳麟
至竟兩華埋骨地方家弱弟可同倫節愍墓在聚寶山木末亭下

書夏節愍集後

何其偉 書田

國朝定鼎容頑民吾鄉抗節夏忠與陳忠裕論殺誤傳陳

弗嗣忠裕之後五傳而絕三藩紀事本末載其子方五歲亦論殺非後考功死有舍人

舍人奇才古無偶有筆如椽膽如斗弱齡慷慨報君親

一旅義旗效奔走吳淞兵敗氣不振挾策復入長興軍

哭罷吳江細林續集中有吳江野哭細林野哭二詩蓋為吳節愍陳忠裕兩公作也赤

心猶欲輸南閩南閩聯絡計潛定役者堯文謝其姓節愍

以謝堯文通南事敗見殺非為陳忠裕事海濱迹露獄詞連坐作表文同授

命空傳殘骨埋金陵家山婉孌神歸憑大哀一賦畱正

氣若滅若沒相鈔謄編殘簡斷無人惜千古知音屬莊

舄泖客先生匿采難求屈子篇謂忠節拾遺聊慰終童魄白頭

采輯久且勤欲以舍人亞黃門湘真集行玉樊出點點

碧血流餘芬人疑君死禍自召名未登朝年更少脫令

身隱顧宗祧既不妨忠復全孝孝至誰知忠可移於君

無憾親何虧上書別母兼別婦甘心蹈刃忘其悲君不

見錢尚書吳祭酒竝世文章推巨手恐被汪躋笑多壽

乾隆壬寅家述庵司寇讀禮家居以陳忠裕夏節愍兩
集屬達校錄時莊丈蕤川館於寒齋相與增訂闕譌凡
四易寒暑司寇亦以整理藏書多所采輯自後莊丈就
館斡山與及門何君韋人續補見聞而兩集遂成全書
嘉慶辛酉達隨司寇遊學浙中出所輯舊彙重命編次
將刊行之而未暇後二年何君既刻忠裕集司寇復屬
陳古華太守於忠裕墓附近建祠并奉夏忠節及節愍
神位同祀其中蓋以節愍殉難畱都未得歸骨故土而
忠節之會葬雖一見於忠裕年譜再見於宋荔裳詩集
俱未確指其地他書亦不詳所在司寇嘗以此爲憾近

湯明經運泰得盛侍御符升誠齋集有同周金山過曹

浜謁夏師墓詩中有句云松塘人杳丹青在瓶室堂空

鳥雀哀自註松塘為乙酉自沈處瓶室為昔年讀書處

今考曹浜在崑山西北里許節愍有曹溪草堂歌即是

地也則忠節之葬於曹浜無疑矣丁卯春陳君秉衡以

節愍集付梓欲與忠裕集並行故牽連及之以誌於尾

青浦後學王鴻達

節愍弱齡殉國而著作綦富去年刻此集竟將謀印行

卒以遺漏尚多遲遲未果今春余姪婿楊子超格以柘

湖黃氏所藏內史集目錄見示內有騷賦及樂府五七

言古詩如干首為余輯本所亡爰屬借鈔增入另為補

遺一卷嗣此有獲亦隨時續諸其後云再近考邑志載

夏忠節墓在四十三保十三圖蕩灣而節愍之墓卒無

定處茲又得楊子鈔寄杜九高登春童心犯難集一則

知節愍亦葬蕩灣實大快事也因并及之嘉慶十三年

夏六月婁縣莊師洛識

補遺總目

夏節愍全集 補遺 序 目

犯難事略一則

賦二首

騷一首

樂府十一首

五言古詩三十六首

七言古詩二首

跋

杜登春童心犯難集一則


順治丁亥七月望夏子存古以奉表唐王謝恩爲海上
邏卒所獲洪經略密行土撫軍索存古甚急時余讀書
虎邱石佛寺不知也一日乘涼散步將至憨憨泉見一
小沙彌同青衣數人汲水而飲遙望沙彌有似存古趨
視之則竟是也問之則曰我已就縛上道無資斧其爲
我謀之余急索囊中所有傾付之送其登舟有經略差
官王姓者慮有他謀詰詢姓名詞氣甚厲余以世誼交
情詳告之且曰吾爲行者治衰於爾未嘗無益何怒之
有於是沽酒脯爲別存古口占一律贈余曰竹馬交情

十五年飄零湖海更誰憐知心獨用要離墓亡命難尋
少伯船山鬼未回江上夢楚囚一去草如烟高堂弱息
憑君在極目鄉關思惘然案此詩與卷六作小異又曰此行殆不
免婦錢有娠男與爾爲婿女與爾爲媳倘不育絕嗣幸
勿立後寄遺屬數紙而別余泣數行下而存古並無一
點淚余歸告沈子羽霄約往金陵探聽羽霄慨然偕行
至省之次日道上有鳴鑼聲視之則存古與劉公公巨
諱曙者攜手出就戮兩公皆不跪持刀者從喉間斷之
而絕余與羽霄歛存古之屍歸其櫬於小崑山新塋葬
於考功先生昭位得朋諸子臧來會葬余與羽霄親視

覆土凡四日而畢其事

節愍歸葬父塋九高司馬述之甚詳已無可疑而其
殉難究不知何日比閱蘇州府志載劉曙長洲縣人
癸未進士
以舟山事械送金陵下獄八旬與崑山顧咸正松江
夏完淳及同邑管定縱橫詩酒談說忠義爲樂丁亥
九月十九日赴市連呼高皇帝而死司馬旣稱與劉
公攜手就戮則節愍之卒日又可知矣嘉慶戊辰夏
何其偉附記

夏節愍全集補遺



夏節愍全集補遺

婁縣莊師洛菀川輯

受業

陳均秉衡
何其偉韋人編

賦

湘巫賦

伊江湘之南下兮波鱗鱗而侵干帝子乘夫立霜兮望
衡霍而路漫漫胡彼美之夷猶兮羌太息而終古南雲
贊其來下兮吹參差而代舞美要眇以偃蹇兮褰娉服
而先之紉蘭茝以爲衣兮纒申椒而佩垂芳菲菲而盈
室兮靜低徊而結思髮連蜷以翳翳兮聊翱翔兮惠風
來倩巧笑而仰瞻兮留纖阿於左顧世旣幽昧以跼步

兮奚不遷其故度靈命余以喁唱兮青雲衣以徘徊余
爲靈以擊鼓兮疏抗節兮浩悲謂殷咸其上纒兮拜重
華於九疑索筵尊與瓊茅兮心嬋媛而陳辭依浮雲於
天末兮望閭闔而載馳倦靈修而延佇兮適余道兮後
期命豐隆以相驅兮願望舒使爲御駟玉虬於咸池兮
驂朱鸞於懸圃折若木而相羊兮紛總總而上下飄風
殷其未兮獨窈窕於中野發余軻於扶桑兮總余轡
於蒼梧鞭玉鸞而來遊兮雲霏霏而浩歌歎江皋之緒
風兮何美人之數兮日冉冉其欲暮兮悵儻何以九死
何飛廉之震怒兮借雷師而爲此態也幽獨處於篁之
中兮石蘭車兮桂旗雲容容而不見兮思公子兮生然
疑鳳翩躑之邕邕兮相殷咸而復來懷揭車之夭矯兮
繼口佩兮葳蕤投椒糝與瓊粃兮翳繽紛而要余憎吝
與於山之阿兮羌婉孌而就之倏回翔以上下兮築余
室於山中涼風肅其幽澗兮雲曠曠而無梁帝之服以
旦旦兮羌玉璫兮瓊芳貫木蘭之衿袂兮采杜衡以爲
裳冠切雲之峩峩兮尋幽步以中唐擣留夷而矯蕙兮
進申椒以爲糧伊維要我二婉兮相將謁夫太乙盭埃
風以上邁兮叩馳道而出入余處衆帝之側兮攬招搖
而佇立揖大理與陳辭兮援貫索之纍纍何南箕之噏

夏會集卷之三
不道
三
舌兮謠詠余以淫匪由閣道以連營室兮受兩鉞以誅
三比酢瓊漿以緬渺兮乘雲旗以來止步余馬於衡陽
兮擊鼉鼓兮馮夷至被阿錫於巖隧兮伊孔都兮山鬼
開温室之靜閒兮伊沙坂而椒塗結璜琦於砥室兮懸
曲瓊於綺疏雜翡翠帷而繹帳兮翠翹飾其高堂鬱林薄
之回互兮崇蘭泛其秋光何朱綴之方連兮豔陸離而
散芳怨清夜之未央兮延百燎而齊輝星錯落於玉墀
兮然蘭膏而不遑進絙瑟以鳴鱗兮舞吳娃與越姬歌
激楚以秀先兮蘭芳假以撰思蹇二八之修怨兮君將
鑿其蛾眉願同心而見答兮盼渺渺以層波託至思於
羽觴兮酌天醴而造歌蒸桂肴而蕙藉兮式嘉羞之廣
羅行緹盎與柘漿兮傳膳籛之既多平甘辛之五齊兮
舞佻佻兮朱顏酡掩迢迢之列星兮障耿耿之長河余
與靈以共樂兮飄長纓與廣裾靈既惠余以吉占兮余
將遊處乎咸池見余於東皇兮佩珊珊於太微帝耿介
而遵道兮戒九閶而閉之

秋郊賦

鏡微先生託志曼修遺情元散遊於罔象之墟紛上下
以遊覽至五湖而泛舟情偃蹇而澹澹於是見東華子
而言曰商飈戒節白藏司辰蓐收清其西顛帝執矩而

戒陰草蕭蕭而木脫雁肅肅而來賓山水窈窕雲物森
沈愴忘歸兮宋玉餐落英兮靈均遊乎遊乎出其城門
東華子乃駕紫驪之馬揮桃枝之扇出東郭而嬉遊步
蘭皋而如練斯時也天肅氣清碧暉無竟宿霧猶泣秋
蕪曼靜緒颺揚而輕回咸娟娟以動影眺遠郊之無際
激余心而彌耿陟山則虹霽複岫靄深遙壁晃若晨霞之
□麗耀若朝日之爍的扶服以登悄然空碧采三秀於
山阿雲容容兮澗側疏桐落而無聲幽蘭芳而露挹闔
闔扇其清涼孤猿唱而不息木紛紛兮從風愁渺渺兮
何極桂餘芬而委徑菊黃花而閒赤何昊天之激翳思

美人兮脈脈泛舟則塞社若於中洲擊搗車於別渚葭
渺渺兮遠風蒺淒淒兮過雨擷靡蕪兮徘徊水蒼蒼兮
容與芙蓉悴兮蓮摧余心傷兮激楚捐玉佩兮中流薦
蘭肴而代舞波湯湯兮紛來迎雨冥冥兮馮夷語其鳥
則瑤光初散爽鳩始祭屆素律而厲威搏金飆而矯勢
蒼鳴始征六翮萬里嬉立渚而復翔自景山而來至岵
馬聆其素風玄鳥飛而安逝其獸則戒晨途於白虎舍
霧文於赤豹文狸乘其桂車狄然疑而夜嘯晨則湛露
未晞光風已轉豐草餘滋頽煙欲斂苔總翠而嬋娟蕉
渥絳而婉變夜則明月層波輕雲似輦何宿莽之依依

視繁星而有踐天孫悲於營室望明河而偃蹇於是謀
駟已汗廓然惟涼按轡一顧清風遠揚何曜靈之泛駕
伊倏忽而七襄樂厭厭以永日於中心而未央乃瞻糜
芑之畝登種稔之場與與兮如廩芑芑兮如梁乃田家
之有秋奚蹶蹶而不康惟王府之孔匱力云竭於輸將
悲陰雨之莫膏將泣顛於穹蒼東華子於是黯然不樂
愴然心傷而爲亂曰嗟浮雲之日變兮橫流離於九乾
風蕭瑟而木落兮心忼忼而屢遷羌踟躕而行野兮洵
何草之不立企靈脩之一晤兮睠下視而夔然

騷

招魂

張西銘先生家大人金石交也予小子獲烏愛焉五齡
侍函丈摘疑賜問音徽宛存乃淳年未一紀而先生遂
捐館舍先生在柱下三年從初服者六年時惟小往天
子勤左席之求海內喁喁望先生而先生一旦溘然矣
嗚呼哀哉雲沈沈而欲泣天淡淡而生悲蘭旌慘慘柏
路淒淒華髮無依清蹤難覲玉碎珠沈蕙燔芝折鸞函
三萬軸永矣塵封雞樹十餘年遐哉雲冥嗚呼先生之
魂將安往耶天之報施善人何其酷耶於是溯清風而
大招之

明史袁文苑傳張溥字天如太倉人爲諸生招
同里張采共學號婁東二張崇禎元年以選貢

生入都采方成進士兩人名徹都下已而采官臨川
 溥歸集郡中名士相與復古學名其文社曰復社四
 年成進士改庶吉士以葬親乞假歸讀書無間寒暑
 四方噉名者爭走其門聲氣通朝右所品題甲乙頗
 能為榮辱執政大僚由此惡之里人陸文聲者輸貲
 為監生求入社不許采嘗以事扶之文聲詰關言溥
 采倡復社亂天下溫體仁方柄國下其事於提學御
 史倪元珙元珙移兵備參議馮元颺元颺下太倉知
 州周仲璉言復社無可罪三人皆貶斥嚴旨窮究不
 已閩人周之夔者為蘇州推官坐事罷去疑溥為之
 恨甚遂伏闕言溥等把持計典已罷職實其所為因
 及復社恣橫狀章下巡撫張國維等言之夔去官無
 預溥事亦被旨譴讓至十四年溥已卒而事猶未竟
 周延儒當國溥座主也其再相溥有力焉事得解明
 年御史劉熙祚給事中姜垓交章言溥砥行博聞所
 纂述經史有功聖學因薦采學行遂有詔徵溥遺書
 有司錄上三千餘卷帝悉畱覽溥詩文敏捷對客
 揮毫俄頃立就以故名高一時卒時年止四十

伊君之恒幹奚為乎遐荒些舍君之樂處而麗不臧些

魂兮歸來南方不可以止些纂雕食人高虺歧尾些竹
 蛇叢繁條忽衣袂些玄蟻一翼絳腹齒齒些素蚊聲雷
 凌翮九里些牛鬼六角斲人為醢些靈海澎泝羣飛萌
 起些幸而得免揚沙萬畝些歸來歸來恐自貽累些魂
 兮歸來無適此暘谷些長夷九畝索人以食惟人是逐
 些咸池沸日鏗景泣金些扶桑熱枝魂往成脂些炎雲
 蒸髓熾霧羹人些十日代出湯湯流幣些歸來歸來東
 方無所託些魂兮歸來西方不可處些飛泥百里糜爛
 無際些蜚狐食人裂人以祀些玄豹高踴懸體相戲些
 有蜮比比含沙而刺些旱海七里爍熅蒸沸些歸來歸

來無自求戚些魂兮歸來無適此朔方些耳鼠彘豪殊
形橫峙些蟹蠃兩身一行赤地些狍鴉嬰音食人貪婪
些飛鼠皆飛毒龍蟠些歸來歸來朔方無所安些魂兮
歸來入脩堂些綠龍纏燭青鵲香些鏡名蟾蜍口用鴛
鴦些工祝來君巫史成行些魂兮歸來陟中口些華堂
邃閣豔清軒些層樓積棟刻雲烟些青禽紛語依木成
妍些溫瓊沈紫碧綺筵些鳳皇翔棟翡翠簾些水暎金
髓爛薰烟些火齊木難光嬋娟些翠翹曲綺青羽鶯些
湘囊萬軸琳函五千些紵衣縞帶郁纈紛些黔黎顛天
百其身些靈脩虛席悼斯文些室中之觀多珍詭些歌

人起唱姱修態些蹇其有思流綽約些蛾眉淡淡蟬鬢
薄些膩膚玉埋歌容廓些飛瓊倩聲細入窠些騰光雲
盼侍靈幌些絳玉椒泥玄壁梁些瑤漿肥浴浮羽觴些
紫豆如黍列千行些大武之臚郁馨芳些鳧臠鵠脯合
人口爽些鴻酸雞霧寒蔗漿些肴脩尙陳女樂羅些靈
之已醉丹顏酖些結思玉音蘭馨敷些魂兮歸來反故
居些亂曰秋風森森白石鑿鑿潔藻芳蘭云以登酢湛
湛流溪兮一水香處處秋景兮悲人腸哀蒼生兮空淚
長

樂府

豔歌行

明月浮雲閒日藏夜復出盈盈守空房君爲邊城卒故
衣委沙中新衣誰作帶河水何湯湯寒裳誰涉厲鄉土
天一方瞻顧生彷徨彷徨復何爲秋去春復來來春不
如還倚伍難爲言

三婦艷二首

大婦流鶯梭中婦飄香裙小婦弄鸚鵡臨風懸綺疏君
子且容與獨立重踟躕
大婦鳴翠璫中婦縷鴛鴦小婦褰珠簾徘徊輕霞裳美
人如滿月幾度秋陰長

十索詩四首

郎逐秋風去儂泣素口中青雲殊山川千里月浮空霜
帷怨獨眠從郎索春風

無以贈郎歡贈郎萬里懷黯然商雲斂香餘可徘徊儂
心結雙縷從郎索環纒

烟雨春夏怨秋露淒成妍碧蕭夢爲紫騰響弄嬋娟香
袖纖纖手從郎索綺絃

儂心結綺序含悲獨此樓鳳綢空寂寞絡緯哀且調
緒不自持從郎索解愁

五雜組二首

五雜組春園雨往復還寒蟾女不得已士羈旅
五雜組較組甲往復還雁南涉不得已脫鞵鞞

秦女卷衣

縹緲複殿冷凌觚碧窗翠瓦綴珊瑚玉腕紛紛倩玉尺
卷來縷以琉璃席簫聲冷豔夢湘妃虬紕宛宛口香飛
渭溝綠瀉影長霞高樓浩浩白雲家昨夜人言祖龍死
惆悵荒烟暮山紫沙邱梓宮安在哉豔魄猶結桃花帶

隴頭吟

日落黃雲凝塞上月笳夜雨單于帳從軍少年跨紫騮
玉勒刀環儼相向秋風一動霜四垂陰山欲飛遠天危
空樓少女心參差階前綠草渺渺思聞道中原阻赤羽
飛書又調朔方師

五言古詩

詠懷詩六首

白雲流其輝豐草重華滋申椒挺蕨蕤雜之以蕨蕤秋
日月去如流
霜來悴之嗟哉薰與薺搖落同一時孤生岑上竹峭蒨
不改移榮華難自保欲語將訴誰西山有薇蕨聊以慰
我飢

季秋天氣肅疑霜團百草流飆動危閣殷憂自悄悄飛
夢十二衢徘徊明月皎芳草盈衣裾佳人在遠道縱橫

夏節集卷之三 補遺 九
露華白浮雲漫漫浩浩中夜起彷徨繁辭焉所告

有女江之潯環佩揚輝光託身事君子猗靡不可忘婉
變有餘姿歡愛結中腸浮雲從南行安得反故鄉君恩
勿中絕憔悴歸蘭房旦旦金石交何爲參與商朱火黯
不然躑躅只自傷

辟公援天紀王道闇不章招搖繕其怒昂畢揚輝光中
州襄陽九江漢隕欃槍伊人渺四海屬車皆驚揚三楚
忽蕩平輝輝日月昌朔風日以厲徘徊至大梁清埃橫
八極武威播無疆遐荒迪聖德願言詠太康

驅車出北郭攜手城之陰徘徊望三楚蕭蕭楓樹林激
楚聲參差流颿動遠音長佩何陸離湘水清且深靈均
不可見偃蹇傷余心

黃鳥雲中飛翩翩逝安適掌中無良弓誰不羨羽翼鷹
隼在其下竹實不遑食踟躕曠野閒安得枳與棘四顧
有屬羅悲鳴復何益盛衰同一時撫心長脈脈

李都尉從軍

踟躕與君別攜手城之陰黃雲日暮起遊子悲我心流
泉清在山鳴鳥聲在林別離怨明月美酒與子斟佇立
忽萬里天涯淚沾襟

班婕妤團扇

夏管思全集 補遺 十
陶陶忽孟夏，翦我齊紈縷。團團滿明月，畫作雙鳳舞。彩
色天下重，方新豈卽故。竊恐西風來，歷歷吹庭樹。君恩
未及終，棄捐勿復舉。

曹子桓遊讌

高樓良燕會，容與步蘭坂。涼風拂芙蓉，天氣忽已晚。明
月流清光，芳蕙滋九畹。車騎紛雜沓，香崖恣遊覽。中夜
美人至，華堂發絲管。激楚聲參差，流觴清以緩。四座列
羣賢，飛閣貂蟬滿。攜手復遨遊，猶恨良宵短。

曹子建贈友

案此詩與卷三作雖略相
同實另是一首故兩存之

元岡生寶玉，大海出明珠。君王開八紘，卓犖多英儒。寒
霜飄翠閣，秋風動玉除。振衣起行遊，駕我雜采車。逍遙
上冰井，芳草盈衣裾。將以遺所思，日暮還踟蹰。天氣飛
丹霞，夜色臨清渠。佳人殊未至，感歎獨嗟吁。信哉延陵
氏，寶劍遺邱墟。君子明大節，親交義豈渝。

劉公幹感遇

冉冉孤生桐，結根太華側。太華嘉樹繁，孤松少顏色。生
本疏直姿，叨廁清華掖。彩色君所重，敢不修羽翼。翠葢
時追隨，華棖侍賓客。敢以螢火光，綴君鸞鳳翮。

王仲宣懷德

有漢在叔葉，戈戟指天京。秣馬辭故鄉，中心何惛惛。敬

函滿蒿萊舉目渺縱橫放舟涇渭閒平莽見孤城但聞
狐與鳥悄然客子情日落關河靜獨坐淚空零流離別
十載幸遇海內平不意九淵下耿耿日月明冰井從羽
蓋銅雀飄華纓君子綏福履深恩難爲明願守元公烈
千載垂隆聲

嵇叔夜言志

曰余厭塵網振衣潛羽儀卓犖驚古人灼灼揚高姿遠
眺八紘外陵景希清夷靈鳳矯羽翼飄然雲際飛朝餐
若木華夜飲蒼淵池悠悠莊周子方能悟無爲爰居饗
鐘鼓徒合達者嗤長嘯倚天表采藥南山陲

阮嗣宗詠懷

江漢有飛鸞上下秋雲際朝吐金玉音夜飲沆瀣氣乘
霞忽變化滂瀆廓天地光耀誰能希飄飄自搖曳鳴鳩
宛其羽誰識翰天意

陸士衡羈宦

君王德孔懋玆黻榮賤軀關河阻親故昆友天一隅夜
與明月侶朝暨貂蟬俱雞鳴河梁上飛鶴臨清渠綢繆
在京洛繾綣歲月紆逍遙伊水閒閒步聊與娛寒烟凌
衰草秋風吹枯株孤雁飛且鳴令我懷南區躑躅良自
悲願垂雙錦魚

張茂先離情

幽蘭入秋景宛轉簾櫳閒
良夜撫參差微風動疏絃
流螢熠燿飛夜闌明月懸
伊威鳴飛棟蟋蟀響疏簾
長嘆歸空房朱燈黯不然
何時生羽翮奮飛翔君前

潘安仁悼亡

青陽忽如馳白日復秋色
佳人永不見悲哉無終極
疏帷何淒清松柏氣蕭瑟
日暮寒雲浮音徽何寂寂
月明綺疏外秋蟬鳴寒陌
蕙質如可想彷彿蘭房側
合歡誰同心忘憂豈萱草
永懷寄寒夜冥冥空懷抱
夢中復黯黯悲思令人老
何以慰我心愁無北海道
駕言遊南山

流悲玄陰杳殞室何慘淡
珠玉空繚繞蕭蕭虛空聲
令人疑清曉

左太冲詠史

卓犖多志意閒居傲古人
海內阻赤羽豺虎當路蹲
指揮失東吳夷羌咸和馴
建功大河源高步衛霍倫
天步寧且夷素心聊可申
太平良足樂云出東郭門
振衣數千仞長嘯依青雲

張景陽苦雨

玉露團素節金風扇商序
淄淄興繁雲蕭蕭動疏雨
翠莖日夕黃涼颺中夜舉
美人殊未來獨坐思儔侶
芳草

菱巖秋何以慰羈旅

劉越石傷亂

金運遘困窮日月逢薄蝕八垓白日昏九野黃霧塞伊
余愧古人寧敢忘王室仲尼明大義西郊有麟蹟文成
志報仇素書拜黃石臣節生死移無以見苟息玄髮會
幾時冉冉已改白躑躅功名閒大仇何時克浮雲從風
移伏枕淚沾臆戚戚懷百憂哲人貴努力時哉會有期
百年去如客

盧伯源贈友

梁棟無弱才巖廊重明哲髦士懷功名君子守名實幸
託姻媾親才以明德顯遼闊非一朝中心誰能展綢繆
儔伍閒伊余獨偃蹇抗懷思古人遐風渺以緬魯連辭
執珪干木棄軒冕大道在履夷何爲貴行險嘗懷歧路
悲更歎素絲染誰能口其情匪石不可轉願守樊侯言
剛柔得所遣

郭景純遊仙

雲海多沆瀣閨風采神藥俯首策飛龍前驅出玄漠桂
父攀玉華山圖呼碧落閨闔流丹霞輕飈拂瓊閣三曜
訪赤松九轉響丹鶴餐風汗漫遊躡景咸池濯顏色長
不凋何如守邱壑

天倪貴無名抱一修玄賞太素役外觀無名貴內朗冥
鑒生萬兆中機期獨往道爽驚遠求靜觀當自養扶搖
遺世情津梁釋塵網寂寂境外妍罔罔空中響棲幽乘
月歸矯翮凌風上希夷誰能知玄語非所獎循崖庶無
缺正始得所放克口超然風能使身外做

孫興公雅述

許元度自序

莊周遺外觀聃叟抱中道君子清玄思無名去形兆理
以御風超情以排筌曉巖阿采三秀餐之不遑飽雲檻
拂長松石階滋碧草罔罔凌虛音長詠商山皓曲房麗
丹霞幽櫺見青杏奄忽旦暮悶攬斤得所寶賞心會有
期神慮良可保物我無殊觀悠然心終老

殷仲文興囑

清晨出北郭行歌傲天際輕颿激長霞流泉漱清冽
案列字喬柯擢芳蕤石壁間空翠中情不我違賞心聊可憩
山表見素陰林端散明霽惠色既娛人玄風誰能蔽我
欲從之遊瑩此養生氣

謝康樂遊山

清晨出行遊層巒蔽烟景旭日耀紫林明霞靚翠嶺總
轡深賞心杖策造靈境石蘚碧嶂開文藻曲波冷葉上

夏會集全書 補遺
露已晞山中光未耿鳴鳥巢高柯哀猿奔枯槩金光出
林表錦湍倒巖影山阿有芳草采之不盈秉越人聲已
夷楚客歌猶郢班礦生豐草文砂沒丹井曜靈已西馳
織阿忽東罔秀英垂露滋繁條擢秋穎覩此物外遊能
不中情迴獨立返照微宛轉發深省

陶元亮田居

種菊盈十畝杖策行東籬斗酒良已厚寸心不可移日
落南山下場肅苗已齊稚子拾遺穗欲呼行故選百年
行自苦白首得所期日歸東臯去陌上聞鳴雞人生守
太素戚戚當何爲

謝益壽遊覽

勞此蟋蟀歌渺矣莊生駕總轡大野閒徙倚隨物化洞
洞寒潭深落景悟長夜秋桂散幽巖朱蘭冠遠榭百年
會有期臨風酌清笋走鹿銜芻歸飛鳥日夕下朝露何
時晞宿草已凋謝尺捶當自知秉知貴所屆

袁景明從駕

青陽禮新穀方甸端明禋吉蠲告皇祝純嘏屆清晨九
旂集鳳羽五輅揚龍文翠華凝碧落文葆遏青雲焚柴
格立漠灌鬱登青焚金龍耀長坂蘭橈映浮鱗薦馨動
玉律鼓吹來天神朱絃奏太史康爵陪元臣嘉魚獻洛

納神龜見河濱同軫分六隸撫績熙五辰展歌宣盛德
作頌愧輿人

湘妃怨

采蘭湘之沚搴蕙澧南澇寶瑟託清怨微風動遠音藍
田月初落洞庭雲正深君王不可見極目悲余心

七夕詠牛女

雲中望靈匹迢迢見牛女飄然涼風至河漢共延佇漢
北有負輓漢南有投杼重闈知夜促璇室攜其侶七襄
曾無期報章淚如雨歡娛一夕閒乘風且容與

八月初七夜零雨初霽

秋色淒以厲芳草顏色變浮雲從風移纖阿隱芳甸征
鴻賓北林翩翩望歸燕清光正徘徊却我齊紈扇振衣
起行遊遊思良可羨延眺天四垂願假乘風便

自浦城入越

案此詩應是侍考功
宰長樂時歸塗所作

玉衡指孟冬既望日月直夏子脂歸輪蒼茫入鄉國

案節

愍先籍會稽
故云鄉國厥晨雲霧合矐矐不相識山鬼隱隱啼

魂爲惻惻怒虎遙嶺眺天風沈沈黑俄而氣象分天地
寥然晝嵐顏滅氤氳深林亂響息璀璨失石膚連岑錦
綺織紫屑滿山瑣絳衣朱點赤行行見古寺殘角氣蕭
寂荒冷蕪殿餘塵埃招提宅苔綠世尊眉莓青龍象禩

何乃殷繁地有此傷心迹因知淳樸鄉不崇淫祀飾步
履盡農桑隴上青青麥豐薪旣被野嘉穀亦露積行人
囂往來遺秉蔑敢穫接肩對嬉笑閒閒順帝則野道方
喧喧雲根黯然羃瑟瑟烟杳冥微涼侵輿席須臾雨離
離綴石聲瀝滴澗水淙然鳴俯視見青壁觸嶼懸瀑飛
渺渺日已夕雨音亦緩緩解衰憩旅逆達曙促行輟振
衣整幽策出門未數里尋烟近登陟驕旅寒嶺上下眺
萬頃白或如汪洋波含崖帶天石積霏斷長岡皓皓姿
千尺又如素鳥羣高翔奮衆翻秋風滿空山天霜疊沙
磧審視未得眞雲濤不可極初若在足杪旣乃杳難卽

倏忽白雲卷羣峰競青碧爰入仙霞嶺天盤難今昔扶
服梯以登輿人紛相謫頂足互相承巖骨痛吾力前者
驚崔嵬後者竝幽蹟嶺上修竹饒僕夫歇青蘘水飲雜
坐臥抹脛嘗嘖嘖旣乃歸羈舍衣寢罔底跡翼日策疲
車驅馳長路適江郎復江女遊子止其軾至此楓益繁
照耀明爍的回首無聞雲漸作故鄉客

侍伯父茅庵小憩

紛紛十二衢車馬日照地術以敝廬超道由華屋蔽寺
幽人不知林端霞若綺昔聞慧遠遊復此助公憩玉磬
從風音疏鐘響雲際我思天之末身世良可棄

孤雁行

案此詩為女兒荆隱而作事詳卷三

孤雁天際飛哀鳴萬里音侯氏有佳士妃我賢女兒
翡翠垂其肩珠玉結其襟阿弟舉裾泣送姊出我門
江波日夜流合我懷沈沈入堂拜舅姑侯氏稱嘉賓
二載未歸寧儼然抱外孫家君嬰簪組將入炎河濱
阿姊置畫舫送我之虎林執手河梁上酌我溫瓊樽
衣以雜綵衣從風揚纈紛阿母默不語垂淚沾衣襟
阿父拜王母願兒報主恩阿弟拜吾姊分袂離悲深
征帆入南去回首無故人翁娘不顧女但有喚兒音
寒風正蕭條鸞皇忽已分遺孤拊柩泣案謂侯武功
阿爺不曾聞日月忽如馳俄

頤成三春秋高父母歸

案是時考功會丁母憂歸

長歎空江海尚見

故時樹不見故時人翁娘走入戶高堂無老親拜哭撫
靈几憂來不可任孤兒在左右呼舅何慙慙借問姊何
在姊在堂之陰膏沐勿復理鏡臺遺輕塵庭有雙鴛鴦
交頸振哀吟日暮悲踟躕何以慰我心

弔屈左徒

江漢有美人泛舟遊極浦緩歌發清商蕭瑟悲激楚
葑房辛夷室冥冥湘靈語渺渺蒼梧閒帝子空延佇絃絕
響更悲曲罷淚如雨

七言古詩

題王叔明柴桑圖

黃鶴山樵高隱時丹青寄傲稱絕奇
瀟瀟烟雨數百幅後有摩詰前愷之
曾寫南山秋草碧云是陶潛數畝宅
薜蘿欲卷山中人長嘯雲烟翠微客
秋風颯颯吹柴桑滿山野菊花已黃
芳草綠滋露猶滋落木無人古道旁
當年彭澤作吏者敝裘載酒行中野
江州刺史來挽車車上狂歌揖不下
束籬醉起返照微悠然粟里行跡稀
黃農悲嘯亦何補聊采薇蕨慰我飢
寥廓千秋一靖節晉室雄圖竟銷歇
祇今江左成龍文卜歷重光啟中葉
君不見紛紛冠蓋黃金臺輕車駟馬
安在哉勸君一上

麒麟閣回首拂衣歸去來

送林聖楨茂才之江上

秦淮日暮西風起片片黃雲落江水
長懸翠幄千門青半捲紅旗萬山紫
林生躍馬行江關自言一見倉海還
鷓鴣百結出門去回首大笑無人閒

夏節愍全集補遺終

門孫陳寶鐸校字

同里莊泐客先生格外舅蘊谷先生仲弟也博學好古

篤嗜前明陳忠裕夏節愍兩公詩文嘗屬格資訪遺文

軼事忠裕集業經行世而節愍集見亦刊竣格前於山

舟周氏得兩朝忠義詩集摘錄節愍詩十餘首增入集

中今又於柘湖黃子疏麟家獲見內史集舊本校勘一

通內騷賦及古體詩四十餘首均為刊本所未備卷首

有杜讓水述節愍軼事一則言目擊存古就義南都與

沈羽霄歛屍歸葬於崑山考功墓之昭位親視覆土其

言鑿鑿可信考邑志考功墓在蕩灣而盛誠齋詩集云

在曹溪心竊疑之格既錄其彙以呈泐客先生復借友

董子尚詣曹溪敬訪其墓曹溪俗名曹浜在第九峰北

里許其地故多夏姓而考功墓實在曹溪東北二里之

蕩灣乾隆五十一年邑宰謝公庭薰從張君隆孫等請

示禁樵牧雖未泐石而節愍之同葬於此無疑矣茲遺

稟刻成并得確知葬處謹綴數語簡末以志格之不負

所屬云嘉慶十三年端午婁縣楊超格

此原乃節愍忠義精神所結...

夏節愍全集續補遺刻補遺竟楊君超格復從拓湖覓得遺詩十七首因續刻之陳均識

五言古詩

雜詩

明月出浮雲照我東南樓松柏何蕭瑟澗水縱橫流盈
盈樓上女脈脈衾與裯征鴻潛北林鳴鹿思高邱景光
不可待歲月忽已周蕩子行不歸撫時懷百憂

懷李舒章六首

策馬與君別攜手之河梁對酒不能飲道路阻且長驅
馳至京邑日月黯不章大河未入海日暮徒湯湯伊人
在遠道中夜獨彷徨

彷徨復何益相去天一方引領不可見撫心徒自傷涉
江匏葉苦芳草不盈筐中途有廢轍欲駕阻高岡昔爲
膠與漆今爲參與商
參商猶可望遠道徒相思悲風日蕭條遊子行何之白
日匿西山夙暮不可知浮雲出修坂余心嘗參差
參差撫鳴琴飛鳥不遑下鳴鹿求友聲銜草在中野落
木淒寒蟬中林有野馬絃促知心悲余懷誰能寫三歎
知者稀之子敦大雅

大雅無其倫天命不我佑豺虎當天衢孤魂寄靈柩沒
者不能追存者長自守夜半寒無衣露宿在中霑人非
金石固安得長不朽大道不終棄君子良邂逅
邂逅在萬里羌月與之俱生平號任俠寥廓天地殊征
鴻歸自北寄爾尺素書之子當自勉毋乃守區區丈夫
明大節敦信義豈渝

七言古詩

江南曲

朝登白下城暮宿丹陽道長江東去滄海流遙看千里
清光早金陵景色帝王州烟雨繁華天際留珠簾按舞
三千戶紅紛嬌歌十二樓處處澄波碧如練靡蕪濯濯
生芳甸瑣闥香霧影嬋娟錦幌輕霞氣葱蒨香霧輕霞

望不迷狹邪夾道向金隄南樓簫鼓聲方徹北里笙簧
響乍低南樓北里飛霙滿長佩高冠何纂纂雙雙盡抱
寶雕弓兩兩皆吹碧玉管玉管雕弓金市頭二十重封
不解愁越客璇題開蹴踘吳姬翠帳彈箏篴越客吳姬
盡容冶筵前戲抱當壚者秋風宛轉鷓鴣裘朝雲照耀
鴛鴦瓦雲開風轉豔陽年歌舞高臺興杳然公子豹巖
金屈戌美人蟬鬢鐵連錢屈戌連錢自明媚酒酣時笑
荆卿事佩中玉璜戴燭名劍上龍文辟邪字其閒豪俠
妙入神呼盧擊博稱奇人闔閭墓上生碧草鳴夷江上
浮青蘋須臾日暮秋風起高山巍巍水瀾瀾吳宮花草
安在哉河轉參橫獨徙倚

上巳篇

陽春烟雨曲江波垂柳依依芳草多少年雲暗青驄馬
美女風輕白紵歌芍藥隨風紅蕩漾翠閣青樓自相向
金綴張家翡翠鉤繡成楊氏鴛鴦帳翩翩公子黃貂裘
生年二十富平侯五陵俠客來金市六郡名娼滿畫樓
夕陽一半橫塘路娟娟楊柳春雲暮漫折紅蘭新月生
輕揮團扇清風度誰家少女酒壚頭日暮東風不解愁
今夜且須歸去好明朝仍上木蘭舟

邯鄲宮人怨

邯鄲陌上暗香春桃柳依依欲向人五湖公子遊俠士
聽得新箏緩緩意孤燈黯淡疏絃斷知心明月憐相看
箏中自言少小時五歲嬌歌古別離六歲便知學歌舞
獨向春風垂楊處七歲自名爲小香閒閒鬪草不成妝
青年十二抱琵琶背立秋千步落花十五父母攜入秦
門前車馬紛鄰鄰秦王選女特召見承恩屢上明光殿
萬戶椒泥瓊壁門千宮綺席青珠闥依依玉枕綴珊瑚
羅袂難勝白雪膚臨風一調涼州曲欬唾層霄飛珠玉
日日頻勞香輦尋嬌緒不持涼夜心獨倚秋月翠袖削
持花每欲君王著恩情直勝趙飛燕兄弟封侯誰不羨

宮車忽然從九龍泣對春光烟霧中元子嗣位加玄服
奉詔宮人歸厥族蛾眉悲結共三千胡琴一曲天黯然
小香含淚出宮來涼雲淡淡長悲哉凌波欲度河無梁
歸拜父母欲斷腸兄弟爵祿皆被收黃金散去失貂裘
昔時無功承主恩今日零落嫁東邨東邨夫婿輕薄兒
一去遠近不復知抱箏對月月光薄子夜相思夢長樂
嗟余蘭蕙香香草衰入西風勿復道漸漸紅顏欲白首
百年榮盛詎可守始知以色列事他人隨風開落誰能久

與王大后張泛舟華亭谷

橫江急擢秋始波清霜乍下丹林多王郎拔劍爲我歌

攜酒同醉金叵羅連天芳草碧雲過此去扁舟到五湖
冰絲鱸魚銀錯落四顧無人秋寂寞錦帆直挂波濤作
碧空遠映琉璃壑新綠芙蓉光濯濯臨風欲采不盈握
余爲龍兮子爲雲欲叩天門白玉闥遼遼虎豹當路蹲
中心鬱結誰能陳海內磊落無其倫何時識盡非常人
昔年十四與君遊長嘶塞馬月風秋高冠長佩青絲騎
金鞦銀鐙黃貂裘大野踟躕將別君君從此去之東甌
輕舸一入胥江去胥江風雨神靈愁舟子理楫張錦帆
秋聲一起空翠浮蛟龍窟隱深百尺遠烟翠微不相識

送客遊閩

山鬼含笑蒼山阿馮夷擊鼓波濤黑青蓮萬頃金沙湍
惟見山光與水色昔時漢代橫戈士樓船十萬止於此
金鉦賁鼓安在哉草衰木落江之沚昨夜西風聞闐闐
微雨淒淒水瀾瀾寒霜夜結沾人裳孤猿長嘯遠山起
行行樹杪多白雲秋鳥參差不可聞八溪五嶺風俗異
灘水上下天地昏君不見當時豐城劍於今千載蟠延
津何不取之爲佩刀錯以珠環揮浮雲南海風清藏瑰
奇火齊木難珊瑚枝寄語三山諸君子道路遙遠渺難
期歸來寒風已鬢發君今且盡杯中物道中爲問羊裘
人人情黑白誰能說

江南兒女好看與蓮舟蕩漾隔花語□□爲采同心枝
青蛾素腕知儂許長相思暮儔侶巫山雲巴山雨沙鷗
集輕風舉乘月歸來歌白紵

采蓮曲

觀濤

大海出沒波滔滔魚龍銜日百丈高倏忽蒼茫天地合
咫尺不辨神靈號江中小艇不敢渡浮雲漠漠隔江樹
海女霓旌乍有無雷鼓填填屏翳怒靈口冥冥青濛濛
虛無四面浮芙蓉丹楓葉落碧波冷一上一下聲淙淙
須臾風起水勢作天門乍開秋不落江妃歌舞流佩音

金河錦湍光灼爍登高極望高翠迷皓然激灩長天低
涵虛萬頃皆一色水面隱隱鮫人啼其中深淺不可測
秋山遠映嵐光白龍鱗半挂倒青波潑潑鯉魚尾三尺
嗚呼此水乃自滄溟來長江如練浮天垓雪花片片流
不盡北風直到天津臺

杜鵑行

西川有鳥名杜鵑蜀山天子聲相連嗚呼三萬六千歲
君臣舊禮誰能宣一身羈旅愁滿眼容顏憔悴呼蒼天
悲鳴未終口流血慘淡遊魂竄其穴蒼鼠相攫古瓦間
愁虎啼呼風聲發當年高坐深宮中左右紅顏共蹀躞

至今寥落人世殊毛長羽短徒區區金支翠旗嗟已矣
望帝魂歸今有無

哀燕京

太行山頭風霾黑倏忽便至長安陌九門魚鑰光沈沈
諫草猶說咸陽賊聖人痛哭有誰知但言相國休休時
羽林萬騎不授甲金門待詔惟賦詩一出乾清翠華列
仰視機槍大如月欲出不得天地昏都城片片如冰裂
六軍解甲皆望風御柳參差血染紅宮車不出長已矣
更聞痛哭坤寧宮左右蒼茫不相語建章明光豺處處
夫人九嬪糾紛紜躑躅永巷淚如雨當年赫赫長歌呼

今日俯首稱老奴但道我得生處樂操箕典謁奈若何
御院老烏飛簌簌夜半長鳴上人屋妻妾向人歌雲和
俯首含悲不敢哭呼盧擊博鳳凰樓白日陰陰天氣秋
青燐滿地新鬼嘯長空慘慘神靈愁內府白金紅標記
鏃上猶存永樂字王孫自竄荆棘中見人不敢言名氏
嗚呼北平王氣盡諸陵牧羊其上草不生風雲江止鍾
山氣夜看牛斗佇中興

野哭

大河湯湯秦晉來荒荒百里見孤骸青犢長驅涿鹿塞
狼烟竟上黃金臺駟馬駸駸車業業日高鵝鸛不成列

北國遙開雍時雲西風吹落燕山月
玄黃不辨天地閒
虎豹遼遼蹲九關
鸞輅淒涼歸便殿
龍髯奄忽墮西山
庚庚旦旦十七祀
郊壇翼翼今已矣
六宮痛哭口元妃
長秋慘淡歸皇嗣
其時死者曾幾人
匍匐但稱歸順臣
旌旄誰是田橫客
冠蓋無非項伯倫
惟有先朝一杜宇
啼入東華門上樹
望帝望帝何不歸
千古君臣僅如許

